

Umsögn dómnefndar

skv. 4. gr. a laga nr. 15/1998 um dómstóla, sbr. ákvæði III. til bráðabirgða í lögum nr. 50/2016 um dómstóla, um umsækjendur um eitt embætti dómara með fast sæti við Héraðsdóm Reykjavíkur sem auglýst var laust til umsóknar í Lögbirtingablaði 17. nóvember 2017.

Reykjavík, 9. febrúar 2018

Efnisyfirlit

| | |
|---|----|
| 1. Umsækjendur um hin auglýstu dómaraembætti..... | 3 |
| 2. Sjóarmið sem nefndin byggir mat sitt á | 4 |
| 3. Um málsmeðferð dómnefndar | 7 |
| 4. Almennar upplýsingar um umsækjendur | 9 |
| 5. Mat á umsækjendum..... | 27 |
| 5.1. Menntun og framhaldsmenntun | 27 |
| 5.1.1. Menntun og framhaldsmenntun – samanburður | 30 |
| 5.2. Reynsla af dómstörfum..... | 31 |
| 5.2.1. Reynsla af dómstörfum – samanburður..... | 34 |
| 5.3. Reynsla af lögmannsstörfum | 35 |
| 5.3.1. Reynsla af lögmannsstörfum – samanburður | 41 |
| 5.4. Reynsla af stjórnarsýslustörfum..... | 42 |
| 5.4.1. Reynsla af stjórnarsýslustörfum – samanburður..... | 47 |
| 5.5. Reynsla af fræðistörfum o.fl..... | 47 |
| 5.5.1. Kennsla á háskólastigi og önnur akademísk störf..... | 47 |
| 5.5.1.1. Kennsla á háskólastigi og önnur akademísk störf – samanburður | 50 |
| 5.5.2. Útgefnar greinar og bækur, ritstjórn o.fl..... | 51 |
| 5.5.2.1. Útgefnar greinar og bækur, ritstjórn o.fl. – samanburður | 53 |
| 5.6. Reynsla af stjórnun | 54 |
| 5.6.1. Reynsla af stjórnun – samanburður | 57 |
| 5.7. Reynsla af öðrum störfum sem nýtast dómaraefni o.fl..... | 57 |
| 5.7.1. Reynsla af öðrum störfum sem nýtast dómaraefni o.fl. – samanburður | 60 |
| 5.8. Almenn starfshæfni og andlegt atgervi..... | 61 |

| | |
|--------------------------------|----|
| 5.9. Sérstök starfshæfni | 63 |
| 6. Niðurstaða dómnefndar | 64 |

1. Umsækjendur um hin auglýstu dómaraembætti

Með bréfi dagsettu 3. janúar 2018 fór dómsmálaráðherra þess á leit við dómnefnd skv. 1. mgr. 4. gr. a laga nr. 15/1998 um dómstóla, sbr. ákvæði III. til bráðabirgða í lögum um dómstóla nr. 50/2016, að hún léti í té umsögn um hæfni umsækjenda um eitt embætti dómara með fast sæti við Héraðsdóm Reykjavíkur. Embættið var auglýst laust til umsóknar 17. nóvember 2017 í Lögbirtingablaði og skipað verður í það hið fyrsta eftir að dómnefndin hefur lokið starfi sínu.

Um embættið sóttu eftirtaldir: Arnaldur Hjartarson, aðstoðarmaður dómara við EFTA-dómstólinn, Auður Björg Jónsdóttir, hæstaréttarlögmaður, Ásgeir Jónsson, hæstaréttarlögmaður, Ásgerður Ragnarsdóttir, hæstaréttarlögmaður, Bergþóra Ingólfssdóttir, hæstaréttarlögmaður, Bjarni Lárusson, hæstaréttarlögmaður, Bjarnveig Eiríksdóttir, héraðsdómslögmaður, Brynjólfur Hjartarson, lögfræðingur í samgöngu- og sveitarstjórnarráðuneytinu, Daði Kristjánsson, saksóknari hjá embætti ríkissaksóknara, Guðfinnur Stefánsson, aðstoðarmaður héraðsdómara, Guðmundína Ragnarsdóttir, héraðsdómslögmaður, Guðmundur Örn Guðmundsson, héraðsdómslögmaður, Hákon Þorsteinsson, aðstoðarmaður landsréttardómara, Helgi Sigurðsson, hæstaréttarlögmaður, Hrannar Már Hafberg, ráðgjafi Fiskistofu, Indriði Þorkelsson, hæstaréttarlögmaður, Ingiríður Lúðvíksdóttir, settur héraðsdómari, Jón Þór Ólason, héraðsdómslögmaður og lektor við Háskóla Íslands, Jónas Jóhannsson, hæstaréttarlögmaður, Nanna Magnadóttir, forstöðumaður úrskurðarnefndar um umhverfis- og auðlindamál, Ólafur Freyr Frímansson, héraðsdómslögmaður, Pétur Dam Leifsson, dósent við lagadeild Háskóla Íslands, Ragnheiður Elfa Þorsteinsdóttir, héraðsdómslögmaður og lektor við Háskólann á Akureyri, Sigurður Jónsson, hæstaréttarlögmaður, Sonja María Hreiðarsdóttir, héraðsdómslögmaður hjá embætti borgarlögmanns, Sólveig Ingadóttir, aðstoðarmaður héraðsdómara, Stefán Erlendsson, héraðsdómslögmaður, Stefanía Guðrún Sæmundsdóttir, saksóknari hjá embætti ríkissaksóknara, Valborg Steingrímsdóttir, aðstoðarmaður héraðsdómara, Þórhildur Línal, aðstoðarmaður héraðsdómara og Þórir Örn Árnason, héraðsdómslögmaður.

Ásgerður Ragnarsdóttir, Helgi Sigurðsson og Pétur Dam Leifsson drógu umsóknir sína til baka 11. janúar 2018. Daði Kristjánsson gerði hið sama 13. janúar, Bergþóra Ingólfssdóttir þann 14. janúar og Ingiríður Lúðvíksdóttir 15. janúar sama ár.

Umsögn dómnefndar fer hér á eftir.

2. Sjónarmið sem nefndin byggir mat sitt á

Samkvæmt 2. mgr. 4. gr. a, sbr. 2. mgr. 12. gr. laga nr. 15/1998 skal dómnefnd láta ráðherra í té skriflega og rökstudda umsögn um umsækjendur um embætti héraðsdómara. Samkvæmt ákvæðinu skal í umsögn dómnefndar tekin afstaða til þess hvaða umsækjendur séu hæfastir til að hljóta embættin en heimilt er að setja tvo eða fleiri umsækjendur jafna.

Í athugasemdum við þá málsgrein er varð að 2. mgr. 4. gr. a laga nr. 15/1998 sbr. lög nr. 45/2010, segir m.a. svo: „Við mat á hæfni dómaraefna er til margra atriða að líta, svo sem starfsreynslu á sviði lögfræði, hvort heldur hún er á sviði dómstarfa, málflutnings, annarra lögmannsstarfa, fræðistarfa eða innan stjórnarsýslunnar, en almennt verður umsækjandi að hafa til að bera almenna og víðtæka lögfræðilega menntun og þekkingu. Rétt er einnig að líta til aukastarfa umsækjanda, svo sem til setu í úrskurðarnefndum eða annarra skyldra starfa sem nýtast dómaraefni. Almennt verður að telja umsækjanda til tekna að hafa yfir að búa fjölbreyttri starfsreynslu, þótt meta verði það hverju sinni. Dómnefndinni er einnig rétt að líta til og að leita sérstaklega eftir umsögnum um störf umsækjanda og þess hvort hann sé skilvirkur í störfum sínum og vinnusamur, hvort hann hafi til að bera hæfni til að skilja aðalatriði frá aukaatriðum og setja álit sitt fram á skiljanlegan hátt, bæði munnlega og skriflega. Er í því skyni unnt að líta til fræðiritra, reynslu umsækjanda af málflutningi eða þeirra dóma sem umsækjandi kann að hafa samið. Umsækjandi um dómaraembætti verður enn fremur að geta átt góð samskipti við aðra.“

Í lok 2. mgr. 4. gr. a laga nr. 15/1998 kemur fram að ráðherra setji að öðru leyti nánari reglur um störf nefndarinnar. Páverandi dómsmála- og mannréttindaráðherra setti reglur nr. 620/2010 um störf dómnefndar sem fjallar um hæfni umsækjenda um

dómaraembætti. Í 4. gr. reglnanna er fjallað um sjónarmið sem nefndin skal byggja mat sitt á og þar segir svo:

„4. gr.

Sjónarmið sem mat dómnefndar skal byggt á. Í umsögn dómnefndar skal tekin afstaða til þess hvaða umsækjandi eða umsækjendur séu hæfastir til þess að hljóta umrætt dómaraembætti. Dómnefnd skal gæta þess við mat sitt að samræmis sé gætt þannig að jafnræði sé í heiðri haft. Niðurstaðan skal byggð á heildstæðu mati á grundvelli málefnalegra sjónarmiða og skal þar byggt á verðleikum umsækjenda með hliðsjón af menntun og reynslu, ráðvendni, hæfni og skilvirkni í starfi, eins og nánar greinir m.a. hér á eftir:

1. *Menntun, starfsferill og fræðileg þekking.* Við mat á menntun, starfsferli og fræðilegri þekkingu skal dómnefndin miða við að æskilegt sé að umsækjandi hafi fjölbreytta starfsreynslu á sviði lögfræðinnar, s.s. reynslu af dómstörfum, málflutningi eða öðrum lögmannsstörfum, störfum innan stjórnsýslunnar eða fræðistörfum. Miðað skal við að umsækjandi hafi til að bera almenna og viðtæka lögfræðilega þekkingu og menntun. Þá skal litið til þess hvort umsækjandi hefur stundað framhaldsnám.

2. *Aukastörf og félagsstörf.* Dómnefnd ber einnig að líta til aukastarfa umsækjanda, svo sem til setu í úrskurðarnefndum eða annarra skyldra starfa sem nýtast dómaraefni. Loks er heimilt að líta til viðtækra þátttöku í félagsstarfi.

3. *Almenn starfshæfni.* Við mat á almennri starfshæfni skal litið til þess hvort umsækjandi hafi sýnt sjálfstæði, óhlutdrægni, frumkvæði og skilvirkni í starfi og hvort hann eigi auðvelt með skilja aðalatriði frá aukaatriðum. Æskilegt er að hann hafi reynslu af stjórnun. Umsækjandi skal hafa góða þekkingu á íslensku máli og eiga auðvelt með að tjá sig í ræðu og riti.

4. *Sérstök starfshæfni.* Mikilvægt er að umsækjandi hafi einkamála- og sakamálaréttarfar á valdi sínu og geti farið að fyrirmælum laga um samningu dóma og ritað þá á góðu máli. Hann verður að geta stjórnað þinghöldum af röggsemi og sanngirni og afgreitt þau mál sem honum eru fengin, bæði fljótt og af öryggi.

5. *Andlegt atgerði.* Umsækjandi þarf að eiga auðvelt með mannleg samskipti, bæði við samstarfsmenn og þá sem erindi eiga við hann. Gerð er krafa um að af umsækjanda fari gott orð bæði í fyrri störfum og utan starfa og að reglusemi hans sé í engu ábótavant.“

Í almennum athugasemdum við frumvarp það er varð að lögum nr. 45/2010 um breyting á lögum um dómstóla, nr. 15/1998, með síðari breytingum (skipun dómara), er áréttað að í öðrum lögum sé einnig að finna ákvæði sem taka verður tillit til við skipun dómara, svo sem í stjórnarsýslulögum, nr. 37/1993, lögum nr. 10/2008 um jafna stöðu og jafnan rétt kvenna og karla og lögum nr. 70/1996 um réttindi og skyldur starfsmanna ríkisins.

Samkvæmt 1. mgr. 65. gr. stjórnarskrárinnar skulu allir vera jafnir fyrir lögum og í 2. mgr. hennar segir orðrét: „Konur og karlar skulu njóta jafns réttar í hvívetna.“ Í 1. mgr. 11. gr. stjórnarsýslulaga nr. 37/1993 er tekið fram að við úrlausn mála skuli stjórnvöld gæta samræmis og jafnræðis í lagalegu tilliti. Ákvæði þetta er áréttað í upphafi 1. mgr. 4. gr. reglna nr. 620/2010 sem rakið er hér að framan. Í 2. mgr. 11. gr. stjórnarsýslulaga nr. 37/1993 kemur fram ákvæði um bann við mismunun þar sem talin eru upp sjónarmið sem ekki má líta til við mat á því hvaða umsækjandi geti talist hæfastur til að gegna starfanum. Í ákvæðinu segir: „Óheimilt er að mismuna aðilum við úrlausn mála á grundvelli sjónarmiða byggðum á kynferði þeirra, kynþætti, litarhætti, þjóðerni, trúarbrögðum, stjórnmalaskoðunum, þjóðfélagsstöðu, ætterni eða öðrum sambærilegum ástæðum.“

Markmið laga nr. 10/2008 er m.a. að koma á og viðhalda jafnrétti og jöfnum tækifærum kvenna og karla og jafna stöðu kynjanna á öllum sviðum samfélagsins. Allir skulu eiga jafna möguleika á að njóta eigin atorku og þroska hæfileika sína óháð kyni, sbr. 1. gr. þeirra. Samkvæmt 1. mgr. 20. gr. laganna skal starf, sem laust er til umsóknar, standa opið jafnt konum sem körlum og í 1. mgr. 24. gr. þeirra er kveðið svo á um að hvers kyns mismunun á grundvelli kyns, hvort heldur bein eða óbein, sé óheimil. Samkvæmt 2. tölulið 2. gr. laganna telst það óbein mismunun þegar hlutlaust skilyrði, viðmið eða ráðstöfun kemur hlutfallslega verr við annað kynið nema slíkt sé viðeigandi, nauðsynlegt eða réttlætanlegt vegna hlutlægra þátta óháð kyni. Þá ber þess að gæta að Hæstiréttur hefur talið að lög um jafna stöðu og jafnan

rétt kvenna og karla yrðu þýðingarlítill nema meginreglur þeirra við að stemma stigu við mismununun séu skýrðar svo að konu skuli veita starf ef hún er að minnsta kosti jafnt að því komin að því er varðar menntun og annað sem máli skiptir og karl sem við hana keppir, ef á starfssviðinu eru fáar konur, sbr. dóma réttarins H 1993, 2230, H 1996, 3760, H 1998, 3599 og H 2006, 4891. Á þetta sjónarmið kann almennt að reyna að álitni nefndarinnar við ákvörðun ráðherra um veitingu dómaraembættis hafi dómnefnd metið tvo eða fleiri umsækjendur jafnhæfa til að gegna því.

Loks skal þess getið að í almennum athugasemdum við frumvarp það er varð að lögum nr. 45/2010 um breyting á lögum nr. 15/1998 með síðari breytingum (skipun dómara), er minnt á að í tilmælum ráðherranefndar Evrópuráðsins nr. R(94)12 frá 13. október 1994 um sjálfstæði, skilvirkni og hlutverk dómenda (On the Independence, Efficiency and Role of Judges) kemur fram að allar ákvarðanir um skipun og starfsframa dómara eigi að vera byggðar á hlutlægum sjónarmiðum og byggjast á verðleikum, með hliðsjón af hæfi, ráðvendni, hæfni og skilvirkni í starfi. Upphafsaákvæði 1. mgr. 4. gr. reglna nr. 620/2010 eru byggð á þessum tilmælum.

3. Um málsmeðferð dómnefndar

Gunnlaugur Claessen, formaður nefndarinnar, og Greta Baldursdóttir, varamaður hans, hafa bæði vikið sæti við meðferð málsins fyrst og fremst vegna tímabundinna anna. Samkvæmt tilnefningu Hæstaréttar Íslands tekur Jakob R. Möller sæti í nefndinni ad hoc við meðferð málsins og gegnir hann jafnframt starfi formanns. Þá hefur Óskar Sigurðsson, hæstaréttarlögmaður, lýst sig vanhæfan á grundvelli 3. gr. stjórnslulaga nr. 37/1993 til að taka þátt í meðferð umsókna um framangreint dómaraembætti og tekur varamaður hans Guðrún Björk Bjarnadóttir, hæstaréttarlögmaður, sæti í nefndinni í hans stað. Nefndarmönnum er ekki kunnugt um að neinar ástæður séu fyrir hendi sem valda vanhæfi þeirra í máli þessu.

Hinn 11. janúar 2018 ritaði dómnefnd umsækjendum tölvubréf og óskaði eftir því að þeir gerðu strax athugasemdir við sérstakt hæfi dómnefndarmanna teldu þeir einhverjar vanhæfisástæður fyrir hendi. Ekki komu þá fram athugasemdir við sérstakt hæfi þeirra nefndarmanna sem fara með mál þetta.

Dómnefnd átti viðtöl við umsækjendur 27. og 30. október, 13., 16. og 17. nóvember 2017 og 18. janúar 2018. Viðtölin sem fóru fram í október og nóvember voru öll hljóðrituð þegar nefndin hafði til meðferðar umsóknir um embætti átta héraðsdómara og hafa nefndarmann haft tækifæri til þess að hlusta á þau að nýju. Einn umsækjandi bættist nú í hópinn, Bjarni Lárusson, hrl., og átti nefndin viðtal við hann fimmtudaginn 18. janúar sl. sem einnig var hljóðritað.

Í athugasemdum við þá málsgrein er varð að 2. mgr. 4. gr. a laga nr. 15/1998, sbr. lög nr. 45/2010, segir m.a. að dómnefndinni sé einnig rétt að líta til og að leita sérstaklega eftir umsögnum um störf umsækjanda og þess hvort hann sé skilvirkur í störfum sínum og vinnusamur, hvort hann hafi til að bera hæfni til að skilja aðalatriði frá aukaatriðum og setja álit sitt fram á skiljanlegan hátt, bæði munnlega og skriflega. Samkvæmt 5. gr. reglna nr. 620/2010 getur dómnefnd aflað vitneskju um starfsferil umsækjanda hjá fyrri vinnuveitendum hans og öðrum sem hafa átt samskipti við umsækjanda vegna starfa hans. Á grundvelli þessa ákvæðis sendi dómnefnd spurningalista til þeirra sem umsækjendur höfðu gefið upp sem meðmælendur. Umsækjendum var síðan veitt færi á að tjá sig um svör umsagnaraðilanna.

Eins og áður segir fór dómsmálaráðuneytið þess á leit við dómnefnd með bréfi dagsettu 3. janúar 2018 að hún léti í té umsögn um hæfni umsækjenda. Barst formanni bréfið síðdegis þann 8. janúar sama ár. Í ljósi þess að nefndin taldist ekki fullskipuð fyrr en 8. janúar 2018 reiknast sex vikna afgreiðslufrestur nefndarinnar skv. 9. gr. reglna nr. 620/2010, sbr. 8. gr. stjórnsýslulaga frá þeim degi til 19. febrúar 2018. Í sömu grein er jafnframt tekið fram að sá frestur geti þó orðið lengri ef sérstakar ástæður valda því, svo sem mikill fjöldi umsækjenda og þess háttar.

Þess skal getið að umsækjendurnir Arnaldur Hjartarson, Auður Björg Jónsdóttir, Ásgeir Jónsson, Bjarnveig Eiríksdóttir, Brynjólfur Hjartarson, Guðfinnur Stefánsson, Guðmundína Ragnarsdóttir, Guðmundur Örn Guðmundsson, Hákon Þorsteinsson, Hrannar Már Hafberg, Indriði Þorkelsson, Jón Þór Ólason, Jónas Jóhannsson, Nanna Magnadóttir, Ólafur Freyr Frímannsson, Ragnheiður Elfa Þorsteinsdóttir, Sigurður Jónsson, Sonja María Hreiðarsdóttir, Sólveig Ingadóttir, Stefán Erlendsson, Stefanía Guðrún Sæmundsdóttir, Valborg Steingrímisdóttir, Þórhildur Línadal og Þórir Örn Árnason hafa áður verið metin af dómnefnd sem

starfar skv. 4. gr. a laga nr. 15/1998, sbr. umsagnir dagsettar 3. október 2011, 20. febrúar 2012, 21. janúar 2013, 22. mars 2013, 27. ágúst 2013, 27. febrúar 2014, 23. febrúar 2015, 20. apríl 2015, 1. september 2015, 19. maí 2017 og 21. desember 2017.

Samkvæmt 7. gr. reglna nr. 620/2010 voru umsækjendum send drög að umsögn dómnefndar með tölvubréfum 1. febrúar 2018, þar sem þeim var gefinn kostur á að gera athugasemdir við þau til 8. sama mánaðar, kl. 18.00. Þess var sérstaklega farið á leit í bréfinu að athugasemdir yrðu sendar sem fyrst ef unnt væri. Athugasemdir bárust frá Bjarnveigu Eiríksdóttur, Hákonni Þorsteinssyni, Indriða Þorkelssyni, Jóni Þór Ólasyni, Jónasi Jóhannssyni, Nönnu Magnadóttur, Sólveigu Ingadóttur, Stefaníu Guðrúnu Sæmundsdóttur og Þórhildi Línal.

Farið var yfir athugasemdir á fundi nefndarinnar 9. febrúar 2018. Athugasemdirnar gáfu sumar hverjar tilefni til breytinga á mati nokkurra umsækjenda innan einstakra matsþátta. Á hinn bóginn breytti endurskoðað mat ekki þeim ályktarorðum sem komu fram í drögum nefndarinnar og umsækjendum höfðu verið send.

4. Almennar upplýsingar um umsækjendur

Hér á eftir verður næst veitt stutt ágríp um menntun og reynslu umsækjenda en 5. kafli hefur að geyma mat dómnefndar á umsækjendum og viðmið á grundvelli þeirra meginsjónarmiða sem reifuð voru í 2. kafla. Upplýsingarnar í þessum köflum eru fyrst og fremst byggðar á umsóknum umsækjendanna. Ekki er greint frá öllu því sem þeir hafa talið þar upp heldur getið helstu starfa og viðfangsefna er þeir hafa fengist við auk þess sem leitast hefur verið við að gæta samræmis þeirra á milli þegar gerð er grein fyrir þessum atriðum.

Þess skal getið að ekki hefur verið gerð tilraun til að samræma heiti lokaprófa í lögfræði í umfjöllun um einstaka umsækjendur. Samkvæmt 6. tölulið 12. gr. laga nr. 15/1998 má þann einn skipa dómara sem hefur „lokið embættisprófi í lögfræði eða háskólaprófi í þeirri grein sem metið verður því jafngilt“ og samkvæmt 6. tölulið 29. gr. laga um dómstóla nr. 50/2016 skulu þeir sem skipaðir verða dómarar hafa lokið embættisprófi eða grunnnámi ásamt meistaraprófi í lögum. Lokaprófin ganga undir

ýmsum heitum, t.d. embættispróf, meistarapróf, ML, Mag.jur. og e.t.v. fleirum. Dómsmálaráðherra hefur staðfest að allir umsækjendur uppfylli skilyrði 6. töluliðar 12. gr. laga nr. 15/1998 sbr. og 6. töluliðar 29. gr. laga 50/2016.

Arnaldur Hjartarson er fæddur 30. júní 1983 og er því 34 ára. Hann lauk BA-prófi í lögfræði frá Háskóla Íslands árið 2006 og meistaraprófi frá sama skóla árið 2008. Þá lauk hann LL.M.-gráðu frá Yale Law School í maí 2013 með tveimur viðbótar námskeiðum. Auk þess hefur hann sótt eitt námskeið hjá Endurmenntun Háskóla Íslands. Hann öðlaðist réttindi sem héraðsdómslögmaður árið 2008. Að loknu laganámi starfaði umsækjandinn sem fulltrúi á LEX lögmannsstofu fram í janúar 2009. Þá starfaði hann í rúmt ár hjá rannsóknarnefnd Alþingis vegna falls íslensku bankanna en hóf störf á lánasviði Fjármálaeftirlitsins í febrúar 2010. Í rúmt ár (apríl 2011-maí 2012) starfaði hann sem aðstoðarmaður dómara við Hæstarétt Íslands en hóf þá störf sem starfsnemi við EFTA-dómstól. Frá júlí 2013 tók hann við starfi yfirlögfræðings Bankasýslu ríkisins þar sem hann starfaði í tvö ár. Frá 16. september 2013 til 1. janúar 2014 var hann settur héraðsdómari við Héraðsdóm Reykjavíkur og var starfshlutfall hans hjá Bankasýslunni minna á meðan. Umsækjandinn hefur annast stundakennslu við lagadeild Háskóla Íslands frá nóvember 2009 og varð adjúntkt við deildina frá 1. júlí 2013. Í upphafi árs 2014 tók hann við starfi sérfræðings við Lagastofnun Háskóla Íslands og gegndi því fram á vor 2016, þar af í 50% starfshlutfalli frá 1. september 2015. Frá vori 2016 hefur hann gegnt starfi adjúnkts II við lagadeild Háskóla Íslands í 25% starfi. Hann hefur aðallega kennt fjármálarétt, fjármunarétt og Evrópurétt. Þá hefur hann leiðbeint nemendum við skrif BA- og meistaránámsritgerða. Auk þess sinnti hann stundakennslu við Háskólann á Bifröst haustið 2011, var gestakennari við Ohio Northern University í janúar 2015 og hefur kennt námskeið hjá Endurmenntun Háskóla Íslands. Frá september 2015 hefur aðalstarf hans þó verið við EFTA-dómstólinn þar sem hann starfar sem aðstoðarmaður dómara. Hann hefur jafnframt gegnt stöðu fræðilegs ritstjóra Fons Juris frá apríl 2017. Í mars 2017 gaf umsækjandinn út fræðiritið „Evrópskur bankaréttur – og áhrif hans á íslenskan rétt“ en bókin var ritrýnd. Hann hefur skrifað átta fræðigreinar ýmist einn eða með öðrum, þar af eru sjö ritrýndar. Þá var hann meðhöfundur að kafla í ritrýndri bók um

Evrópurétt og hefur stundað rannsóknarstörf. Hann hefur haldið fyrirlestra um lögfræðileg málefni við ýmis tilefni. Af öðrum aukastörfum má nefna að hann samdi drög að stöðluðum skilmálum fyrir íslenska skuldabréfamarkaðinn fyrir Samtök atvinnulífsins og Kauphöll Íslands og hefur veitt ýmsum aðilum sérfræðiráðgjöf. Umsækjandinn hefur setið í viðurlaganefnd Kauphallar NASDAQ OMX Iceland hf. frá maí 2015, upphaflega sem varamaður en sem aðalmaður frá mars 2017. Í desember 2016 stóð hann, ásamt öðrum, að stofnun Réttarhagfræðifélags Íslands og situr hann í stjórn félagsins. Þá hefur hann verið skipaður í tvær nefndir sem falið var að semja lagafrumvörp og sat hann í þriggja manna sérfræðingahópi stjórnarskrárnefndar 2015.

Auður Björg Jónsdóttir er fædd 25. febrúar 1980 og er því 37 ára. Hún lauk kandídatprófi í lögfræði frá Háskóla Íslands í júní 2005. Hún öðlaðist réttindi til málflutnings í héraði árið 2006 og fyrir Hæstarétti Íslands árið 2014. Þá öðlaðist hún réttindi sem löggiltur fasteigna-, fyrirtækja- og skipasali árið 2015. Að loknu laganámi starfaði hún hjá Jóni Egilssyni hrl. en hefur verið sjálfstætt starfandi lögmaður frá hausti 2015. Hún hefur verið formaður kærunefndar húsamála frá árinu 2013 og frá árinu 2016 ritað drög að öllum úrskurðum og álitum nefndarinnar. Hún hefur kennt leigurétt við lagadeild Háskóla Íslands frá haustinu 2005 og kennir fjöleignarhúsarétt á haustönn 2017 við sömu deild. Hún hefur ritað tvær fræðigreinar um lögfræði á sviði skaðabótaréttar og er önnur þeirra ritrýnd. Á árunum 2010 til 2014 sat hún í stjórn ALM verðbréfa hf. og frá 2010 til 2013 í stjórn Félags kvenna í lögmennsku, þar af sem formaður frá 2012. Þá er hún ritari fræðslunefndar Félags kvenna í atvinnulífinu.

Ásgeir Jónsson er fæddur 21. janúar 1959 og er því 58 ára. Hann lauk embættisprófi í lögfræði frá Háskóla Íslands í júní 1986. Hann hlaut réttindi sem fasteigna- og skipasali árið 1995 og fékk leyfi til að gera eignaskiptayfirlýsingar árið 1996. Hann öðlaðist réttindi til málflutnings í héraði árið 1990, leyfi til að flytja mál í Hæstarétti Íslands, skv. 2. mgr. 9. gr. laga nr. 61/1942, árið 1998 og hæstaréttarlögmennsréttindi árið 2008. Að loknu laganámi starfaði hann sem fulltrúi hjá Lögmönnum Höfðabakka 9. Þar starfaði hann þar til hann tók við starfi gjaldheimtustjóra hjá Gjaldheimtu Suðurnesja í desember 1987. Í maí 1990 hóf hann

rekstur eigin lögmannsstofu, Lögbók ehf., og rak samhliða fasteignasölu í um tíu ára skeið frá 1995. Í upphafi árs 2005 hóf hann störf sem lögmaður hjá Pacta/Lögheimtunni ehf. og starfar þar enn. Umsækjandinn var varamaður í félagsmálaráði Reykjanesbæjar árin 1994 til 1998 og var formaður í umsjónarnefnd fólksbifreiða á Suðurnesjum frá 10. ágúst 1999 til 15. mars 2002. Hann var jafnframt í stjórn Háskólabíós árin 1985 til 1987. Þá hefur hann tvisvar kennt námskeið í lögfræði við Fjölbrautaskóla Suðurnesja.

Bjarni Lárusson er fæddur 3. febrúar 1960 og er því 57 ára. Hann lauk embættisprófi í lögfræði frá Háskóla Íslands í júní 1986 og stundaði framhaldsnám við Kaupmannahafnarháskóla 1986-1987. Hann öðlaðist réttindi sem héraðsdómslögmaður í september 1994 og réttindi til málflutnings fyrir Hæstarétti Íslands í september 2013. Auk þess lauk hann sveinsprófi í málaraiðn 1982 og hlaut löggildingu til fasteigna-, fyrirtækja- og skipasölu 2007. Þá hefur hann sótt ýmis námskeið, m.a. á vegum Lögmannafélags Íslands. Að loknu laganámi starfaði hann sem löglærður fulltrúi hjá sýslumanninum í Borganesi 1988-1992 og hjá borgarfégetanum, síðar sýslumanninum í Reykjavík 1992-1994. Árin 1994-1995 var hann lögmaður á Lögmannsstofu Árna Grétars Finnssonar hrl. en frá 1995-2005 rak hann eigin lögmannsstofu. Hann var lögmaður hjá Lögheimtunni hf./PACTA lögmönnum 2005-2017 en starfaði jafnframt sem löggiltur fasteigna-, skipa- og fyrirtækjasali hjá Domus fasteignasölu árin 2007-2009. Á árunum 1992-1999 hafði hann að aukastarfi vinnu við reglulega uppfærslu lagatexta Lagasafns, undir ritstjórn Markúsar Sigurbjörnssonar.

Bjarnveig Eiríksdóttir er fædd 23. ágúst 1958 og er því 59 ára. Hún lauk embættisprófi í lögfræði frá Háskóla Íslands árið 1984 og LL.M.-gráðu í alþjóðaviðskipta- og Evrópurétti frá Háskólanum í Edinborg árið 1994. Þá hefur hún setið mörg námskeið í lögfræði hérlendis og erlendis. Hún öðlaðist réttindi til málflutnings í héraði árið 1987. Að loknu laganámi starfaði hún í þrjá mánuði sem fulltrúi í þinglýsingardeild hjá borgarfégetanum í Reykjavík. Þá hóf hún störf í tolladeild fjármálaráðuneytisins, fyrst sem fulltrúi og síðar deildarstjóri, og starfaði þar til ársins 1988. Frá 1988-1989 var hún í starfsnámi á lagaskrifstofu EFTA í Genf í Sviss og frá 1989-1990 var hún fyrsti sendiráðsritari fastanefndar Íslands í Genf. Frá

1990-1992 starfaði hún sem deildarstjóri á tekju- og lagaskrifstofu fjármálaráðuneytisins og frá 1994-1995 var hún sérfræðingur á sömu skrifstofu. Frá 1996-2003 starfaði hún sem lögmaður og staðgengill skrifstofustjóra á lagaskrifstofu ESA í Brussel. Árin 2003-2004 var hún héraðsdómslögmaður á skrifstofu borgarlögmanns og frá 2004-2005 héraðsdómslögmaður hjá TAXIS lögmannsstofu. Frá 2005-2007 starfaði hún hjá umboðsmanni Alþingis. Umsækjandinn hefur verið sjálfstætt starfandi héraðsdómslögmaður hjá eigin fyrirtæki, Evrópulögum/Vík lögmannsstofu, frá árinu 2007. Hún var ritari tollskrárnefndar árin 1985-1987. Hún hefur verið formaður málskotsnefndar LÍN frá árinu 2010, nefndarmaður í yfirskattanefnd frá upphafi árs 2015 og verið meðlimur í FreSsco frá árinu 2013 en FreSsco er hópur sérfræðinga sem vinna fyrir ESB á sviði frjálsrar farar launþega og almannatrygginga í EES. Umsækjandinn hefur verið aðjúkt, og áður stundakennari, í Evrópurétti við lagadeild Háskóla Íslands frá 2005, verið prófdómari við deildina frá 2003 og leiðbeint nemendum við ritun BA- ritgerða og einnar meistararitgerðar. Hún hefur jafnframt kennt við Háskólann á Akureyri og verið prófdómari við Háskólann í Reykjavík. Hún var þjálfari málflutningsliðs í málflutningskeppni ESA árið 2016 og hélt fyrirlestur fyrir keppendur um frjálsa för launþega og tilskipun 2004/38/ESB. Hún hefur jafnframt kennt málflutning fyrir EFTA-dómstólnum á lögmannanámskeiði og um réttarheimildir Evrópuréttar á námskeiði á vegum Endurmenntunar Háskóla Íslands. Hún hefur ritað tvær greinar um lögfræðileg málefni en önnur þeirra er ritrýnd og hin rituð ásamt meðhöfundi. Hún hefur jafnframt haldið fjölmarga fyrirlestra og kynningar um lögfræðileg málefni, einkum á sviði Evrópuréttar og um málefni endurskoðenda. Hún var formaður endurskoðendaráðs 2009-2013 og varamaður í stjórn ESA 2007-2013 þar sem hún tók sæti í einu máli. Þá var hún nefndarmaður í ríkistollanefnd frá apríl til desember 2014 og sat í stjórn Félags kvenna í lögmennsku 2008-2009.

Brynjólfur Hjartarson er fæddur 17. ágúst 1968 og er því 49 ára. Hann lauk embættisprófi í lögfræði frá Háskóla Íslands árið 1998 og öðlaðist réttindi sem héraðsdómslögmaður í janúar 2004. Þá hefur hann hlotið löggildingu sem fasteigna-, fyrirtækja- og skipasali. Frá 1999-2002 starfaði hann sem löglærður fulltrúi hjá sýslumanninum í Keflavík. Árin 2002-2004 starfaði hann sem löglærður fulltrúi á

LEGALIS lögmannsstofu og frá 2004-2005 sem löggiltur fasteignasali og héraðsdómslögmaður. Frá 2005-2009 var hann aðstoðarmaður dómara við Héraðsdóm Reykjavíkur eða þar til hann tók við starfi lögfræðings í samgöngu- og sveitarstjórnarráðuneytinu á árinu 2010. Árin 2011-2017 starfaði hann sem lögfræðingur hjá innanríkisráðuneytinu en hann hefur starfað hjá samgöngu- og sveitarstjórnarráðuneytinu síðan innanríkisráðuneytinu var skipt upp í tvö ráðuneyti árið 2017. Umsækjandinn var skipaður eftirlitsmaður innanríkisráðuneytisins með talnagetraunum íslenskrar getspar frá apríl 2011 til febrúar 2017. Þá hefur hann í tvígang verið skipaður prófdómari með BA-ritgerðum við lagadeild Háskólans á Akureyri og einu sinni við lagadeild Háskóla Íslands.

Guðfinnur Stefánsson er fæddur 1. október 1971 og er því 46 ára. Hann lauk BS-prófi í viðskiptalögfræði við Háskólann á Bifröst í febrúar 2007 og ML-prófi í lögfræði við sama skóla í september 2008. Hann lauk diplómanámi í afbrotafræði við Endurmenntun Háskóla Íslands árið 2014 og hefur sótt eitt námskeið hjá Lagastofnun Háskóla Íslands. Á árunum 2000-2003 starfaði umsækjandinn sem yfirmaður hraðsendingardeildar UPS á Íslandi hjá TVG Zimsen. Að loknu laganámi starfaði hann sem aðstoðarmaður dómara við Héraðsdóm Reykjavíkur frá september 2008 til loka þess árs. Frá janúar 2009 hefur umsækjandinn starfað sem aðstoðarmaður dómara við Héraðsdóm Vesturlands að frátöldu tímabilinu 1. febrúar 2014 til 30. júní 2014 er hann var settur dómari við Héraðsdóm Reykjavíkur. Umsækjandinn var prófdómari við Háskólann á Bifröst í málflutningi fyrir dómi árin 2009-2014 og sinnti stundakennslu í sakamálaréttarfari við sama skóla á haustönn 2014 og 2015.

Guðmundína Ragnarsdóttir er fædd 28. október 1958 og er því 59 ára. Hún lauk embættisprófi í lögfræði frá Háskóla Íslands árið 1995. Hún hefur einnig lokið námi í opinberri stjórnarsýslu og stjórnun frá Endurmenntun Háskóla Íslands og sótt mörg námskeið í lögfræði. Hún öðlaðist réttindi til málflutnings fyrir héraðsdómi árið 1998 og hefur fengið staðfestingu um að hún uppfylli skilyrði til að þreyta prófraun um málflutning fyrir Hæstarétti. Að loknu laganámi starfaði hún hjá Innheimtustofnun sveitarfélaga fram til ársins 2000. Þá hóf hún störf hjá skattstjóranum í Reykjanesumdæmi. Árin 2001-2002 starfaði hún sem löggiltur

fasteignasali hjá Garðatorgi, eignamiðlun ehf. Frá 2002-2005 starfaði hún sem lögmaður hjá Lögheimtunni ehf. Frá 2005-2010 starfaði hún sem lögmaður og framkvæmdastjóri Kollektu ehf. en hún var einnig einn af eigendum lögfræðistofunnar. Frá upphafi árs 2011 hefur hún verið sjálfstætt starfandi lögmaður og rekið lögfræðistofuna Lögvík ehf. Hún gegndi starfi varaformanns í stjórn Golfklúbbsins Odds á Urriðavelli í rúm átta ár, er varaformaður aganefndar klúbbsins og var formaður kvennanefndar klúbbsins í nær átta ár. Hún er jafnframt formaður aganefndar Golfsambands Íslands, var í undirbúningsnefnd fyrir Evrópumeistaramót kvennalandsliða árið 2016 og hefur verið í stefnumótunarnefnd GSÍ.

Guðmundur Örn Guðmundsson er fæddur 20. maí 1961 og er því 56 ára. Hann lauk embættisprófi í lögfræði frá Háskóla Íslands í febrúar 1995. Hann öðlaðist réttindi til málflutnings fyrir héraðsdómi í maí 1996 og sem löggiltur fasteigna-, fyrirtækja- og skipasali á árinu 2015. Þá hefur hann sótt ýmis námskeið á vegum Lögmannafélags Íslands. Auk þess hefur hann sveinspróf og meistarabréf í húsasmíði. Að loknu laganámi hóf umsækjandinn sjálfstæðan rekstur lögfræðiskrifstofu og hefur rekið eigin lögfræðiskrifstofu og síðar fasteignafélag. Hann hefur verið skipaður skiptastjóri í yfir 130 þrotabúum. Frá árinu 2005 hefur hann sinnt framkvæmdastjórastarfi fyrir fasteignafélagið Opinn hug ehf.

Hákon Þorsteinsson er fæddur 29. desember 1979 og er því 37 ára. Hann lauk BA-prófi í lögfræði frá Háskóla Íslands árið 2006 og Mag.jur-prófi frá sama skóla árið 2008. Hann öðlaðist réttindi sem héraðsdómslögmaður í janúar 2009 og löggildinguna til að starfa sem fasteigna-, fyrirtækja- og skipasali í september 2015. Jafnframt hefur hann sótt ýmis námskeið, meðal annars á vegum dómstólaráðs og fagráðs um endurmenntun dómara. Að loknu laganámi vorið 2008 starfaði umsækjandinn við lögfræðiráðgjöf hjá Kaupþingi banka hf. en því starfi gegndi hann til ársloka 2008. Þá hóf hann störf sem héraðsdómslögmaður hjá lögmannsstofunni Lögskiptum. Þar starfaði hann fram á vor 2010 er hann hóf störf sem aðstoðarmaður dómara við Héraðsdóm Reykjaness. Því starfi gegndi hann til febrúar 2018, að frátöldu þriggja mánaða tímabili á árinu 2014 þegar hann var settur héraðsdómari við sama dómstól. Frá janúar 2018 hefur hann gegnt starfi aðstoðarmanns dómara við Landsrétt. Þá

starfar hann einnig sem eftirlitsmaður með störfum knattspyrnudómara og framkvæmd knattspyrnuleikja fyrir KSÍ. Umsækjandinn hefur starfað sem stundakennari í fjármunarétti og réttarfari við lagadeild Háskólans á Bifröst frá árinu 2015 og var prófdómari við sömu lagadeild og lagadeild Háskólans í Reykjavík síðasta vetur. Hann hefur í tvígang setið í starfshópum á vegum dómstólaráðs um stefnumótun héraðsdómstólanna, átt hlut að undirbúningsvinnu fyrir Dómarafélag Íslands vegna setningar síðareglna dómara og er formaður Félags löglærðra aðstoðarmanna dómara.

Hrannar Már Hafberg er fæddur 15. desember 1974 og er því 42 ára. Hann lauk BA-gráðu í heimspeki við Háskóla Íslands árið 1998 en á námstímanum gerði hann árshlé til að stunda nám í hugfræðum í Svíþjóð. Hann lauk BA-prófi í lögfræði frá lagadeild Háskóla Íslands árið 2006 og Mag.jur.-prófi frá sömu deild árið 2008. Hann hefur jafnframt stundað meistaranám í réttarheimspeki við Háskóla Íslands og Háskólann í Genúa, með hléum, frá árinu 1998. Að auki hefur hann lokið prófi í margmiðlun frá Margmiðlunarskóla Prenttæknistofnunar. Síðastliðið ár hefur hann stundað framhaldsnám við Tarello-réttarheimspekistofnunina við Háskólann í Genúa. Þá hefur hann sótt ýmsar ráðstefnur og námskeið um lögfræðileg efni, innanlands sem utan. Hann öðlaðist réttindi sem héraðsdómslögmaður árið 2010. Að loknu laganámi starfaði umsækjandinn í nokkra mánuði sem fulltrúi hjá lögreglustjóranum á höfuðborgarsvæðinu, einkum við rannsókn og saksókn í ofbeldismálum. Árin 2008-2009 starfaði hann sem aðstoðarmaður dómara við Héraðsdóm Norðurlands eystra og við Héraðsdóm Reykjavíkur árin 2009-2011. Hann fékk leyfi frá störfum sínum sem aðstoðarmaður héraðsdómara frá 10. júní 2011 til að gegna störfum hjá rannsóknarnefnd Alþingis um rannsókn á aðdraganda og orsökum erfiðleika og falls sparísjóðanna en frá 2012-2014 var hann formaður nefndarinnar. Á þeim tíma var hann settur dómari við Héraðsdóm Reykjavíkur frá 5. september 2011 til 29. febrúar 2012 og aftur um tveggja vikna skeið í mars 2012. Frá 2014-2015 var hann aðstoðarmaður við Héraðsdóm Reykjavíkur. Frá 2015-2017 gegndi hann stöðu yfirlögfræðings hjá Fiskistofu en hann starfar nú þar sem ráðgjafi í hlutastarfi. Umsækjandinn hefur sinnt kennslu við lagadeild Háskólans á Akureyri frá árinu 2009 en árin 2009-2011 var hann aðjúnkt við deildina. Þá var hann

stundakennari í réttarheimspeki við lagadeild Háskóla Íslands árin 2009-2010. Hann hefur jafnframt verið leiðbeinandi nemenda við ritun lokaritgerða í BA- og meistaranámi við lagadeildir Háskólans á Akureyri og Háskólans í Reykjavík. Hann hefur skrifað eina fræðigreina, setið í ritrýningnefnd Lögfræðings frá árinu 2009 og flutt fyrirlestra tengda lögfræðilegum álitamálum. Umsækjandinn var varaformaður Félags löglærðra aðstoðarmanna dómara árin 2008-2011 en formaður þess árin 2011-2013. Þá átti hann sæti í stjórn Félags áhugamanna um heimspeki 2006-2009, í stjórn Heimspekistofnunar Háskóla Íslands 1997-1999 og í samstarfsnefnd um mótun náms í upplýsinga- og fjölmiðlagreinum 2000-2001.

Indriði Þorkelsson er fæddur 2. febrúar 1957 og er því 61 árs. Hann lauk embættisprófi í lögfræði frá Háskóla Íslands vorið 1983. Hann öðlaðist réttindi sem héraðsdómslögmaður í janúar 1985 og í júní 1998 fékk hann leyfi Hæstaréttar Íslands til að flytja þau mál fyrir réttinum sem hann hafði flutt í héraði. Í mars 2009 öðlaðist hann leyfi til málflutnings fyrir Hæstarétti Íslands. Hann hefur jafnframt sótt nokkur námskeið um lögfræðileg málefni á vegum Endurmenntunar Háskóla Íslands og Lögmannafélags Íslands. Að loknu embættisprófi starfaði umsækjandinn eitt sumar hjá borgarfégetaembættinu í Reykjavík, einkum við þinglýsingar. Frá 1. október 1983 til aprílloka 1985 starfaði hann sem löglærður fulltrúi hjá Ragnari Aðalsteinssyni hrl. Frá 1. maí 1985 hefur hann starfað sem lögmaður, sjálfstætt starfandi til ársins 1999 en fulltrúi frá þeim tíma. Frá 1999 til 1. febrúar 2008 starfaði hann sem fulltrúi hjá Almennu lögfræðistofunni sf. en frá þeim tíma hefur hann starfað sem fulltrúi hjá Juris slf. Á árunum 1994-1999 annaðist umsækjandinn og hafði umsjón með kennslu og prófum í kauparétti á námskeiðum sem haldin voru til undirbúnings löggildinga fyrir bifreiðasala. Hann hefur í fjölda tilvika verið tilnefndur sem dómari í kærunefndum og áfrýjunarnefndum á vegum akstursípróttafélaga og heildarsamtaka þeirra. Þá hefur hann nokkrum sinnum tekið að sér fundarstjórn á aðalfundum hlutafélaga og annarra félaga.

Jón Þór Ólason er fæddur 8. febrúar 1974 og er því 44 ára. Hann lauk embættisprófi í lögfræði frá Háskóla Íslands í júní 2000, öðlaðist réttindi sem héraðsdómslögmaður í janúar 2009 og hefur flutt tvö prófmál til þess að öðlast rétt til málflutnings fyrir Hæstarétti Íslands. Að loknu laganámi starfaði umsækjandinn sem

aðstoðarmaður dómara við Héraðsdóm Vestfjarða frá júní 2000 til september sama ár. Þá tók hann við starfi deildarsérfræðings í dóms- og kirkjumálaráðuneytinu þar sem hann starfaði þar til í janúar 2006. Frá þeim tíma til nóvember 2008 var hann aðstoðarmaður setts ríkissaksóknara samkvæmt umboðsskrá í svonefndu Baugsmáli. Frá desember 2008 til desember 2009 var hann fulltrúi hjá Lögmönnum Laugardal en hann hefur verið lögmaður og fulltrúi, hjá Jónatansson & Co lögfræðistofu frá janúar 2010. Umsækjandinn hefur jafnframt sinnt kennslu við lagadeild Háskóla Íslands frá haustinu 2001, fyrst sem stundakennari frá september 2001 til september 2005, síðar aðjúnkt til desember 2007 og loks sem lektor frá janúar 2008. Umsækjandinn hefur birt sex óritrýndar fræðigreinar. Hann hefur flutt fjölda lögfræðilegra fyrirlestra á ráðstefnum og málþingum, bæði á Íslandi og erlendis. Á þeim tíma sem umsækjandinn starfaði í dóms- og kirkjumálaráðuneytinu átti hann sæti í mörgum nefndum og hópum og skrifaði, einn eða í samvinnu við aðra, nokkrar skýrslur, átti hlut að samningu lagafrumvarpa, reglugerða og fleira. Frá þeim tíma og síðar hefur hann einnig átt sæti í ýmsum nefndum og starfshópum, var til að mynda fulltrúi Íslands í nefndum um framsal sakamanna og gagnkvæma aðstoð í saka- og refsifullnustumálum o.fl. árin 2001-2007, var í happdrættisráði SÍBS árin 2005-2009 og nú er hann skipaður varamaður í stjórn fiskræktarsjóðs.

Jónas Jóhannsson er fæddur 7. nóvember 1962 og er því 55 ára. Hann lauk embættisprófi í lögfræði frá Háskóla Íslands í júní 1988. Á árunum 2004-2005 stundaði hann meistaranám í Evrópurétti við lagadeild Háskólans í Lundi. Þar lauk hann prófum en skilaði ekki ritgerð til meistaraprófs. Hann öðlaðist réttindi sem héraðsdómslögmaður árið 2000 og sem hæstaréttarlögmaður í janúar 2012. Að embættisprófi loknu í júní 1988 var umsækjandinn settur fulltrúi við Sakadóm Reykjavíkur og fimm mánuðum seinna var hann skipaður í sama starf. Í ágúst 1991 var hann settur héraðsdómari við fimm sýslumanns- og bæjarfógetaembætti á Vestfjörðum og gegndi hann þeirri stöðu út júní 1992 þegar hann var settur héraðsdómari og dómstjóri við nýstofnað embætti Héraðsdóms Vestfjarða. Í desember sama ár hlaut hann skipun í það embætti og í ágúst 1998 fluttist hann til Héraðsdóms Reykjaness. Umsækjandinn getur þess að í upphafi árs 2002 hafi honum verið falin auk annarra starfa meðferð allra forsjár- og umgengnismála við

dómstólinn og hafi hann tekið þátt í að þróa nýjar og framsæknar aðferðir við sáttaumleitanir og úrlausn slíkra mála sem kenndar hafi verið við „Hafnarfjarðarleiddina“. Í febrúar 2006 fluttist hann til Héraðsdóms Reykjavíkur og hafði með höndum meðferð sakamála til loka ágúst 2008. Frá 1. september sama ár til ársloka 2011 var hann í leyfi frá störfum vegna búsetu erlendis en fékk þá lausn frá embætti að eigin ósk. Frá janúar 2012 kveðst hann hafa starfað sem hæstaréttarlögmaður hjá Lagastoð. Umsækjandinn sat tvívegis í gerðardómi á árunum 2003 og 2004. Á árunum 2003-2004 sat hann í nefnd um könnun á veitingu reynslulausnar skv. 40.-42. gr. almennra hegningarlaga og haustið 2009 vann hann að verkefnum á sviði útlendingamála fyrir dómsmálaráðuneytið. Umsækjandinn var stundakennari við Háskólann í Reykjavík 2005-2006 og kenndi þar alþjóðlegan einkamálarétt á meistarastigi. Hann var jafnframt prófdómari í sömu grein vorið 2008. Vorið 2016 sinnti hann gestakennslu við sálfræðideild Háskóla Íslands og hefur flutt fyrirlestra á sviði barnaréttar og alþjóðlegs fjölskylduréttar við Háskólann á Akureyri og Háskóla Íslands. Hann flutti fyrirlestra á norræna lögfræðingapínginu í Kaupmannahöfn árið 2008 og á sameiginlegum fundi Evrópusambandsins og Haag-ráðstefnunnar um alþjóðlegan einkamálarétt í Brussel árið 2009. Umsækjandinn hefur skrifað tvær fræðigreinar um lögfræði og er önnur þeirra ritrýnd. Umsækjandinn var fulltrúi Dómarafélags Íslands 2002-2012 gagnvart Haag-ráðstefnunni um alþjóðlegan einkamálarétt vegna framkvæmdar Haag-samningsins 25. október 1980 um einkaréttarleg áhrif af brottnámi barna til flutnings milli landa og stofnmeðlimur í The International Hague Network of Judges. Þá var hann fulltrúi Dómarafélagsins 2003-2008 í samnorrænni nefnd dómara á sviði fjölskylduréttar og sótti ráðstefnur á vegum SEND 2002 og 2006. Auk þess var hann í forsæti fyrir Íslandsfélagið í Belgíu á árunum 2010-2015. Þá hefur hann verið formaður gjafsóknarnefndar frá 5. september 2017.

Nanna Magnadóttir er fædd 10. mars 1973 og er því 44 ára. Hún lauk embættisprófi í lögfræði frá Háskóla Íslands í júní 1998 og lauk meistaraþrófi í alþjóðlegum mannréttindalögum frá Raoul Wallenberg stofnun Háskólans í Lundi árið 2004. Hún hefur sótt mörg námskeið um lögfræðileg efni bæði hérlendis og erlendis. Hún öðlaðist réttindi sem héraðsdómslögmaður 2001. Að loknu

embættisprófi starfaði umsækjandinn sumarlangt í þinglýsingardeild hjá sýslumanninum í Reykjavík. Í september 1998 hóf hún störf sem aðstoðarmaður dómara við Héraðsdóm Reykjavíkur. Hún starfaði sem aðstoðarmaður dómara fram í janúar 2001, að undanskildum fjórum mánuðum sem hún starfaði fyrir dómstólaráð. Í janúar 2001 var hún settur skrifstofustjóri dómstólsins. Því starfi gegndi hún fram í september sama ár er hún hóf störf sem lögfræðingur hjá umboðsmanni Alþingis sem hún gegndi fram í september 2002. Í september 2003 hóf umsækjandinn störf sem aðstoðarmaður í fastanefnd Íslands hjá Evrópuráðinu og starfaði þar til í maí 2004 er hún hóf störf sem lögfræðingur í deild Evrópuráðsins um fullnustu dóma Mannréttindadómstóls Evrópu. Frá janúar 2005 sinnti hún margvíslegum störfum á vegum Evrópuráðsins í Kósóvó og Sameinuðu þjóðanna á Balkanskaga. Frá október 2009 og fram í september 2013 starfaði hún sem aðalráðgjafi hjá Eystrasaltsráðinu í Stokkhólmi. Frá þeim tíma var hún sjálfstætt starfandi og tók meðal annars að sér ýmis verkefni fyrir umboðsmann Alþingis og Eystrasaltsráðið eða allt þar til hún var skipuð þann 1. janúar 2014 forstöðumaður og formaður úrskurðarnefndar umhverfis- og auðlindamála. Hún hefur ritað eina óritrýnda grein sem birtist í lögfræðitímariti. Í Lundi starfaði hún samhliða námi sem aðstoðarmaður prófessors. Þá var hún meðritstjóri Balticness, tímarits Eystrasaltsráðsins, 2009-2010. Umsækjandinn var sjálfboðaliði hjá Kvennaráðgjöfinni 1997-1999 og formaður vinnuhóps um heimasíðu fyrir héraðsdómstólana og dómstólaráð 2001. Þá var hún varamaður í stjórn Stéttarfélags lögfræðinga 2000-2001 og tók þátt í kjarasamningaviðræðum við ríkið. Frá 2014 hefur hún verið í stjórn Félags Sameinuðu þjóðanna á Íslandi. Þá hefur hún átt hlut að undirbúningi lagasetningar og gerð ýmiss konar regluverks í störfum sínum, m.a. skrifað álit UNIFEM á drögum að jafnréttislögum Albaníu, haldið ýmis námskeið fyrir starfsmenn úr stjórnarsýslu Kósóvós og starfsmenn ÖSE, haft framsögu á ýmsum ráðstefnum og beitt sér fyrir endurskoðun verklagsreglna Eystrasaltsráðsins um þátttöku þess í verkefnum. Hún hefur verið meðlimur og á tíðum formaður fjölda vinnuhópa sem starfsmaður Evrópuráðsins, UNIFEM og Eystrasaltsráðsins, var

sérfræðingur á fundi bandarísks félagsvísindaráðs og Sameinuðu þjóðanna um konur og friðaruppbyggingu á Balkanskaga 2012.

Ólafur Freyr Frímannsson er fæddur 14. nóvember 1983 og er því 34 ára. Hann lauk BA-prófi í lögfræði frá Háskóla Íslands í maí 2006 og Mag.jur.-prófi í lögfræði frá sama skóla í maí 2008. Hann öðlaðist réttindi sem löggiltur fasteigna-, fyrirtækja- og skipasali í júlí 2015 og hefur lokið fimm áföngum í grunnnámi viðskiptadeildar Háskólans í Reykjavík. Frá hausti 2016 hefur hann stundað meistaranám í fjármálum fyrirtækja við Háskólann í Reykjavík. Hann öðlaðist málflytningsréttindi fyrir héraðsdómstólum í nóvember 2008. Þá hefur hann setið mörg námskeið á vegum Lögmannafélags Íslands, Lagastofnunar Háskóla Íslands og Endurmenntunar Háskóla Íslands. Að loknu laganámi hóf umsækjandinn störf á Mörkinni lögmannsstofu og starfaði þar til hausts 2015. Frá október 2015 til nóvember 2017 gegndi hann störfum hjá Lagahvoli slf. Síðan þá hefur hann verið sjálfstætt starfandi lögmaður. Á árunum 2008-2014 var umsækjandinn stundakennari við lagadeild Háskóla Íslands og sinnti kennslu á námskeiði á meistarastigi um hlutverk dómara og lögmannna við meðferð einka- og sakamála. Hann hefur jafnframt sinnt kennslu í einkamálaréttarfari við sömu deild. Þá sat hann í stjórn Bókaútgáfunnar Codex á árunum 2007-2014.

Ragnheiður Elfa Þorsteinsdóttir er fædd 3. maí árið 1968 og er því 49 ára gömul. Hún lauk embættisprófi í lögfræði frá lagadeild Háskóla Íslands árið 1992. Umsækjandinn lauk LL.M.-prófi frá Edinborgarháskóla í þjóðarétti og mannréttindum 1995. Þá hefur hún stundað nám í verðbréfaviðskiptum en á einu prófi ólokið. Hún lauk 8. stigi í fiðluleik frá Tónlistarskólanum í Reykjavík 1993. Þá öðlaðist hún héraðsdómslögmannsréttindi 2013. Umsækjandinn starfaði sem yfirlögfræðingur í umhverfisráðuneytinu 1995-1998. Hún starfaði í utanríkisráðuneytinu á skrifstofu þjóðréttarfræðings og viðskiptaskrifstofu 1998-2013, þar af í sendiráði Íslands í Brussel 2004-2009, í samninganefnd Íslands vegna aðildarviðræðna við ESB 2009-2013 og var þar formaður samningahóps um byggðamál og stýrði umhverfis- og auðlindamálum í utanríkisráðuneytinu 2009-2013. Árin 2013-2014 annaðist hún stundakennslu við Háskólann á Akureyri og Háskóla Íslands, m.a. í evrópskum umhverfisrétti. Frá árinu 2014 hefur hún gegnt

stöðu lektors við Háskólann á Akureyri þar sem hún kennir meðal annars Evrópurétt, þjóðarétt, alþjóðlegan einkamálarétt og lögskýringar. Frá árinu 2013 hefur hún starfað sem lögmaður í litlum mæli meðfram starfi sínu sem lektor. Hún hefur ritað fimm lögfræðigreinar, þar af eru tvær ritýndar. Þá hefur hún ritað greinargerð um lögfræðileg málefni vegna sæstrengs til Evrópu, haft umsjón með útgáfu og þýðingu Genfarsamninganna á íslensku ásamt tveimur öðrum og handbók Stjórnarráðsins um EES. Einnig hefur hún flutt fjögur erindi um lögfræðileg álitafni. Hún hefur setið í stjórn Tryggingamiðstöðvarinnar frá 2015 og verið í úrskurðarnefnd um ólögmetan sjávarafla frá sama ári. Frá árinu 2013 hefur hún verið í stjórn Alþjóðlegu tónlistarakademiunnar í Hörpu og formaður stjórnar bókaútgáfunnar Bjarts og Veraldar.

Sigurður Jónsson er fæddur 13. febrúar 1956 og er því 61 árs. Hann lauk embættisprófi í lögfræði frá Háskóla Íslands árið 1983. Hann hefur sótt fjölda námskeiða í ýmsum greinum lögfræðinnar, aðallega á vegum Endurmenntunar Háskóla Íslands og Lögmannafélags Íslands. Hann öðlaðist réttindi til málflyttings fyrir héraðsdómi í september 1989 og réttindi til málflyttings fyrir Hæstarétti Íslands í september 1997. Þá öðlaðist hann fasteignasöluréttindi árið 1991. Að loknu laganámi hóf hann störf sem dómarafulltrúi hjá sýslumanninum á Akureyri og starfaði þar fram til ársins 1986 er hann hóf störf sem fulltrúi sýslumannsins í Árnessýslu. Á árinu 1987 var hann settur sýslumaður í Strandasýslu í sem næst einn og hálfan mánuð og árin 1988-1989 var hann starfsmannastjóri Sláturfélags Suðurlands á Selfossi. Frá 1989-1991 var hann aðstoðarmaður dóms- og kirkjumálaráðherra en að því loknu hóf hann rekstur eigin lögmannsstofu, Lögmenn Suðurlandi á Selfossi, auk fasteignasölu fram til ársins 2002. Frá 2002-2007 annaðist hann rekstur eigin lögmannsstofu og fasteignasölu í Vestmannaeyjum, Lögmenn Vestmannaeyjum. Frá 2007-2012 annaðist hann rekstur eigin lögmannsstofu á Selfossi, Lögmenn Árborg, en stofnaði síðan lögmannsstofuna Land lögmenn í Kópavogi. Umsækjandinn var formaður yfirúttektarnefndar Árnessýslu árin 1986-1993 og sat í mörgum nefndum á vegum Stjórnarráðs Íslands á árunum 1989-1991. Hann var nefndarmaður í kvörtunarnefnd Félags fasteignasala árin 2003-2008, stjórnarformaður Eyvindartungu ehf. árin 2001-2010, stjórnarformaður í

Landssamtökum raforkubænda á Íslandi árin 2005-2010 og hefur verið stjórnarmaður Landssamtaka landeigenda á Íslandi frá árinu 2009. Umsækjandinn hefur starfað sem dómkvaddur matsmaður, aðallega til að meta verðmæti fasteigna og til þess að gera arðskrár vegna veiði. Þá hefur hann stundað kennslu við grunn- og framhaldsskóla.

Sonja María Hreiðarsdóttir er fædd 1. maí 1963 og er því 54 ára. Hún lauk embættisprófi frá lagadeild Háskóla Íslands árið 1990 og námi í mannauðsstjórnun hjá Endurmenntun Háskóla Íslands árið 1998, námskeiði um sáttamiðlun hjá Sátt árið 2007, auk þessa hefur hún lokið mörgum námskeiðum, m.a. á vegum Lögmannafélags Íslands, Endurmenntunar Háskóla Íslands og Háskólans í Reykjavík. Hún öðlaðist réttindi til að vera héraðsdómslögmaður árið 1995, hefur verið á lista Sáttar yfir starfandi sáttamenn frá 2007 og árið 2015 öðlaðist hún leyfi sem löggiltur fasteigna-, fyrirtækja- og skipasali. Þá uppfyllti hún skilyrði til að þreyta prófraun fyrir Hæstarétti Íslands til öflunar réttinda til málflutnings fyrir Hæstarétti í ársbyrjun 2014 og hefur flutt tvö prófmál. Að loknu laganámi starfaði hún sem lögfræðingur á fasteignasölu 1990-1992, var fulltrúi hjá sýslumanninum í Keflavík 1992-1993 og fulltrúi við Héraðsdóm Vestfjarða 1993-1996, þar af settur héraðsdómari í júlí og ágúst árin 1993-1996. Hún var lögfræðingur í lögfræðideild Íslandsbanka hf. 1996-2000 og sérfræðingur á starfsmannaskrifstofu fjármálaráðuneytisins 2000-2006. Umsækjandinn var fulltrúi hjá Lögmannsstofunni Pacta, Lögheimtunni Intrum 2006-2007 og rak Lögmannsstofu Sonju Maríu ehf. 2007-2016. Þá annaðist hún rekstur Megin lögmannsstofu 2011-2016. Frá 1. nóvember 2016 hefur hún verið lögmaður hjá embætti borgarlögmanns. Umsækjandinn hefur kennt á mörgum námskeiðum hjá m.a. Íslandsbanka, IMG, Háskólanum í Reykjavík, á námskeiði fyrir þá sem vilja afla sér lögmannsréttinda, stéttarfélögum og ýmsum félagasamtökum. Hún sat í samráðsnefnd um vinnutíma og í samninganefnd ríkisins 2000-2006, í stjórn fræðslu- og símenntunarsjóðs Eflingar og ríkisins 2001-2006, í stjórn Ríkismenntar 2005-2006, var stjórnarmaður í Bankasýslu ríkisins 2009-2011 og ritari áfrýjunarnefndar samkeppnismála 2009-2017. Þá var hún skipuð umboðsmaður í suðvesturkjördæmi af landskjörstjórn í tveimur þjóðaratkvæðagreiðslum 2011-2012, hefur verið nefndarmaður í málskotsnefnd LÍN frá 2010 og varadómari í Félagsdómi frá árinu 2011 þar sem hún hefur tekið sæti í sjö málum.

Sólveig Ingadóttir er fædd 16. október 1984 og er því 33 ára. Hún lauk BA-prófi í lögfræði frá lagadeild Háskóla Íslands árið 2008 og Mag.jur. frá sama skóla árið 2010. Hún öðlaðist réttindi til að vera héraðsdómslögmaður árið 2011 og réttindi til að starfa sem löggiltur fasteigna-, fyrirtækja- og skipasali árið 2015. Þá hefur hún setið ýmis námskeið á vegum fagraðs dómstólaráðs um endurmenntun. Frá árinu 2010 hefur hún starfað sem aðstoðarmaður dómara við Héraðsdóm Suðurlands. Árið 2014 kenndi hún á námskeiði Vísdoms um meðferð sakamála. Hún sat í stjórn Félags löglærðra aðstoðarmanna dómara 2011-2015, fyrst sem varaformaður og síðar sem formaður. Nú er hún varaformaður félagsins.

Stefán Erlendsson er fæddur 29. júlí 1965 og er því 52 ára. Hann lauk embættisprófi í lögfræði frá Háskóla Íslands árið 1992. Réttindi til málflytninga í héraði öðlaðist hann 1996. Árið 2008 stundaði hann meistaranám við lagadeild Kaupmannahafnarháskóla og lauk LL.M.-námi í alþjóðlegum umhverfis- og auðlindarétti við Háskóla Íslands árið 2016. Einnig hefur hann sótt ýmis námskeið hérlandis og erlendis, m.a. á vegum Lögmannafélags Íslands, Endurmenntunar Háskóla Íslands og European Academy of Law (ERA). Frá 1992 starfaði hann sem lögfræðingur hjá Vegagerðinni en sem lögmaður frá 1996. Á árunum 1997-2004 gegndi hann starfi forstöðumanns lögfræði- og starfsmannadeildar Vegagerðarinnar og á árunum 2004-2016 var hann forstöðumaður lögfræðideildar. Frá því í júlí 2016 hefur hann gegnt stöðu framkvæmdastjóra stoðsviðs Vegagerðarinnar. Umsækjandinn hefur jafnframt sinnt ýmsum nefndarstörfum, sem fulltrúi í nefnd um endurskoðun reglugerða á samgöngusviði, ritari nefndar sem samdi frumvarp til nýrra vegalaga, fulltrúi í nefnd um samningu frumvarps til girðingarlaganna og sem fulltrúi í nefnd um búfé á vegsvæðum. Þá hefur hann sótt ráðstefnur erlendis og verið fulltrúi Vegagerðarinnar í samstarfi lögfræðinga á sviði vegamála á Norðurlöndum frá árinu 1997.

Stefanía Guðrún Sæmundsdóttir er fædd 13. mars 1967 og er því 50 ára. Hún lauk embættisprófi í lögfræði frá Háskóla Íslands í júní 1992. Réttindi til málflytninga í héraði öðlaðist hún árið 1997. Þá hefur hún sótt ýmis námskeið, m.a. á vegum Lögregluskóla ríkisins og Endurmenntunar Háskóla Íslands. Að loknu laganámi hóf hún störf sem fulltrúi sýslumannsins í Reykjavík og starfaði þar til ársins 2000. Í þrjá

mánuði á árunum 1996-1997 vann hún í afleysingum á einkamálaskrifstofu í dóms- og kirkjumálaráðuneytinu. Í tæp tvö ár 2000-2002 starfaði umsækjandinn sem héraðsdómslögmaður á lögmannsstofu Daggar Pálsdóttur hrl. Frá 2002-2004 var hún í 15 mánuði lögfræðingur á ákæru- og lögfræðisviði lögreglustjórans í Reykjavík og fór þar meðal annars með stjórn lögreglurannsókna og saksókn fyrir héraðsdómi. Hún gegndi sama starfi aftur í átta mánuði á árinu 2006. Þá var hún lögfræðingur hjá Tryggingastofnun ríkisins, fæðingarorlofsdeild, frá 2004-2006 í rúmlega tvö ár. Frá janúar 2007 til og með október 2010 starfaði hún sem lögfræðingur hjá úrskurðarnefnd almannatrygginga þar sem hún annaðist undirbúning og samningu úrskurða nefndarinnar vegna kærðra ákvarðana. Í rúmlega eitt ár 2010-2012 starfaði umsækjandinn sem héraðsdómslögmaður á Lögmannsstofu Steinunnar Guðbjartsdóttur hrl./Borgarlögmönnum sf. og sinnti þar almennum lögmannsstörfum auk starfs fyrir úrskurðarnefnd samkvæmt lögum um hollustuhætti og mengunarvarnir nr. 7/1998, einkum við undirbúning og samning úrskurða nefndarinnar. Frá 1. febrúar 2012 til ársloka 2015 starfaði umsækjandinn sem settur saksóknari við embætti ríkissaksóknara en var skipuð í embættið frá 1. janúar 2016. Á árunum 1994-1998 sat hún þrisvar sinnum í hverfiskjörstjórn, tvisvar við sveitarstjórnarkosningar og einu sinni við alþingiskosningar. Árin 1999-2008 sat hún í úrskurðarnefnd um tæknifrjövgun og frá árinu 2001 hefur hún verið skipuð lögráðamaður nokkurra lögræðissviptra einstaklinga.

Valborg Steingrimsdóttir er fædd 6. júní 1982 og er því 35 ára. Hún lauk BA-prófi í lögfræði frá lagadeild Háskóla Íslands árið 2006, Mag.jur.-prófi frá sama skóla árið 2008 og LL.M.-námi við Berkeley Law-University of California 2011. Hún öðlaðist réttindi sem héraðsdómslögmaður 2016. Hún lauk framhaldsprófi í tónlist frá Tónlistarskóla F.Í.H. 2008 og burtfararprófi í klassískum söng frá skóla Sigurðar Demetz 2010. Að loknu laganámi starfaði hún hjá Orkustofnun til ársins 2010, en í því starfi kom hún m.a. að leyfisveitingum á grundvelli raforkulaga og laga um eignarrétt íslenska ríkisins að auðlindum hafsbotnsins. Hún starfaði sem lögfræðingur fyrir Stjórnlagaráð um tveggja mánaða skeið árið 2011 og frá árinu 2011 hefur hún starfað sem aðstoðarmaður dómara við Héraðsdóm Reykjavíkur. Árið 2010 var hún stundakennari við Háskóla Íslands í námskeiðinu Natural Resources

Law og árið 2011 var hún stundakennari við sama skóla í námskeiðunum EC Enviromental Law og International Enviromental Law. Þá hélt umsækjandinn fræðilegt erindi við Háskólasetur Vestfjarða um nýtingu auðlinda hafsbotnsins. Hún er höfundur að einni grein ásamt tveimur öðrum. Hún var ritari í stjórn Stéttarfélags lögfræðinga 2013-2017 og ritari í stjórn kammerkórsins Hljómeyki 2016-2017.

Þórhildur Líndal er fædd 10. mars 1980 og er því 37 ára. Hún lauk BA-prófi í heimspeki frá Háskóla Íslands í febrúar 2004 og útskrifaðist með embættispróf frá lagadeild sama skóla í október 2009. Þá stundaði hún ítölskunám við Università per Stranieri di Siena vorið 2000 og þýskunám samhliða skiptinámi í heimspeki við Technische Universität í Berlín 2002-2003. Auk þess hefur hún lokið tveimur námskeiðum hjá Endurmenntun Háskóla Íslands og nokkrum námskeiðum á vegum dómstólaráðs og Lögmannafélags Íslands. Hún öðlaðist réttindi sem héraðsdómslögmaður vorið 2012. Þá hlaut hún réttindi sem löggiltur fasteigna-, fyrirtækja- og skipasali á árinu 2015. Að loknu laganámi hóf umsækjandinn störf sem aðstoðarmaður dómara við Héraðsdóm Reykjaness en frá september 2010 hefur hún starfað sem aðstoðarmaður dómara við Héraðsdóm Reykjavíkur. Umsækjandinn sat sem varamaður í kærunefnd greiðsluáðlögunarmála frá 2013 til 2016 og tók þátt í afgreiðslu marga mála hjá nefndinni. Hún hefur verið nefndarmaður í úrskurðarnefnd velferðarmála frá mars 2016 þar sem hún hefur m.a. úrskurðað í málum á grundvelli laga nr. 95/2000 um fæðingar- og foreldraorlof, laga nr. 22/2006 um greiðslur til foreldra alvarlega eða langveikra barna og laga nr. 101/2010 um greiðsluáðlögun einstaklinga. Þá hefur hún þrisvar setið í hverfiskjörstjórn, þ.e. við forsetakosningar 2016 og á hinn bóginn við alþingiskosningar 2016 og 2017. Umsækjandinn sinnti kennslu vorið 2014 í gjaldþrotaskiptarétti hjá Vísdomi. Umsækjandinn sat í stjórn félags löglærðra aðstoðarmanna héraðsdómstólanna frá 2013-2017 og sat jafnframt í nefnd um skipulagningu Lagadagsins 2014.

Þórir Örn Árnason er fæddur 13. janúar 1969 og er því 48 ára. Hann útskrifaðist með embættispróf frá lagadeild Háskóla Íslands árið 1995. Hann öðlaðist réttindi sem héraðsdómslögmaður 1999. Að loknu laganámi hóf hann störf sem deildarstjóri í virðisaukadeild hjá skattstjóranum á Vesturlandi þar sem hann starfaði til 1996. Umsækjandinn starfaði sem deildarstjóri í eftirlitsdeild hjá skattstjóranum á

Reykjanesi 1996-1997, hann var fulltrúi á lögmannsstofu Jóns Ingvars Pálssonar hdl. 1997-1998 og var sjálfstætt starfandi lögmaður 1999-2005. Hann var forstöðumaður lögfræðiinnheimtu- og fullnustueignadeildar Íslandsbanka 2005-2015 og 2015-2016 var hann sjálfstætt starfandi lögmaður og ráðgjafi. Hann hefur frá árinu 2016 rekið Myntu ehf., lögmannsstofu og innheimtufyrirtæki, og starfar þar einnig sem lögmaður. Þá starfar hann jafnframt fyrir ALVA ehf. sem yfirlögfræðingur en fyrirtækið rekur m.a. Inkasso innheimtufyrirtæki, Netgíró ehf., og Aktiva lausnir ehf., lánatorg. Umsækjandinn kenndi nokkra tíma á námskeiði í samningarétti í Háskólanum í Reykjavík, í samninga- og skjalagerð 2002-2003. Hann samdi ritið „Samningar og skjöl“ sem kom út árið 1995 og var endurútgefið í breyttri mynd árið 2001. Hann kom lítillega að umsögnum um lagafrumvörp í starfi sínu hjá Íslandsbanka. Hann var varaformaður knattspyrnudeildar Fylkis 2004-2007 og varaformaður aðalstjórnar Fylkis 2010-2013.

5. Mat á umsækjendum

5.1. Menntun og framhaldsmenntun

Arnaldur Hjartarson lauk meistaraprófi í lögfræði frá Háskóla Íslands árið 2008. Þá lauk hann LL.M.-gráðu frá Yale Law School í maí 2013 með tveimur viðbótar námskeiðum. Auk þess hefur hann sótt eitt námskeið hjá Endurmenntun Háskóla Íslands.

Auður Björg Jónsdóttir lauk embættisprófi í lögfræði frá Háskóla Íslands í júní 2005. Auk þess hlaut hún réttindi sem löggiltur fasteigna-, fyrirtækja- og skipasali á árinu 2015.

Ásgeir Jónsson lauk embættisprófi í lögfræði frá Háskóla Íslands í júní 1986. Hann hlaut réttindi sem fasteigna- og skipasali árið 1995 og fékk leyfi til að gera eignaskiptayfirlýsingar árið 1996. Þá hefur hann sótt ýmis námskeið.

Bjarni Lárusson lauk embættisprófi í lögfræði frá Háskóla Íslands í júní 1986 og stundaði framhaldsnám á meistarastigi í lögfræði við Kaupmannahafnarháskóla 1986-1987. Auk þess lauk hann sveinsprófi í málaraiðn 1982 og hlaut löggildingu til

fasteigna-, fyrirtækja- og skipasölu 2007. Þá hefur hann sótt ýmis námskeið m.a. á vegum Lögmannafélags Íslands.

Bjarnveig Eiríksdóttir lauk embættisprófi í lögfræði frá Háskóla Íslands árið 1984 og LL.M.-gráðu í alþjóðaviðskipta- og Evrópurétti frá Háskólanum í Edinborg árið 1994. Auk þess hefur hún setið ýmis lögfræðinámskeið á vegum Háskóla Íslands og Lögmannafélags Íslands.

Brynjólfur Hjartarson lauk embættisprófi í lögfræði frá Háskóla Íslands árið 1998. Auk þess hefur hann hlotið löggildingu sem fasteigna-, fyrirtækja- og skipasali.

Guðfinnur Stefánsson lauk ML-prófi í lögfræði við Háskólann á Bifröst í september 2008. Hann lauk diplómanámi í afbrotafræði við Endurmenntun Háskóla Íslands árið 2014 og sótti eitt námskeið hjá Lagastofnun Háskóla Íslands.

Guðmundína Ragnarsdóttir lauk embættisprófi í lögfræði frá Háskóla Íslands árið 1995. Auk þess lauk hún námi í opinberri stjórnslu og stjórnun frá Endurmenntun Háskóla Íslands og sótti mörg lögfræðinámskeið á vegum Lögmannafélags Íslands og Endurmenntunar Háskóla Íslands.

Guðmundur Örn Guðmundsson lauk embættisprófi í lögfræði frá Háskóla Íslands í febrúar 1995. Auk þess hlaut hann réttindi sem löggiltur fasteigna-, fyrirtækja- og skipasali á árinu 2015. Þá hefur hann sótt ýmis námskeið á vegum Lögmannafélags Íslands.

Hákon Þorsteinsson lauk meistaraprófi í lögfræði frá Háskóla Íslands árið 2008. Þá stundaði hann nám í stjórn málafræði í eina önn haustið 1999 við sama skóla. Auk þess hlaut hann réttindi til að starfa sem fasteigna-, fyrirtækja- og skipasali í september 2015. Þá hefur hann sótt ýmis námskeið og fyrirlestra, m.a. á vegum Endurmenntunar Háskóla Íslands, Háskólans í Reykjavík, dómstólaráðs og fagráðs um endurmenntun dómara.

Hrannar Már Hafberg lauk BA-gráðu í heimspeki við Háskóla Íslands árið 1998. Hann lauk meistaraprófi í lögfræði frá lagadeild Háskóla Íslands árið 2008. Hann hefur jafnframt stundað meistaranám í réttarheimspeki við Háskóla Íslands og Háskólann í Genúa, með hléum, frá árinu 1998. Síðastliðið ár hefur hann stundað framhaldsnám við Tarello-réttarheimspekistofnunina við Háskólann í Genúa. Einnig

hefur hann sótt ýmsar ráðstefnur og námskeið um lögfræðileg efni, innanlands sem utan.

Indriði Þorkelsson lauk embættisprófi í lögfræði frá Háskóla Íslands vorið 1983. Hann hefur auk þess sótt ýmis námskeið um lögfræðileg málefni á vegum Endurmenntunar Háskóla Íslands og Lögmannafélags Íslands.

Jón Þór Ólason lauk embættisprófi í lögfræði frá Háskóla Íslands í júní 2000. Auk þess hefur hann sótt ýmis námskeið hérlendis og erlendis.

Jónas Jóhannsson lauk embættisprófi í lögfræði frá Háskóla Íslands í júní 1988. Auk þess stundaði hann meistaranám á árunum 2004-2005 í Evrópurétti við lagadeild Háskólans í Lundi. Þar lauk hann prófum en skilaði ekki ritgerð til meistaraprófs.

Nanna Magnadóttir lauk embættisprófi í lögfræði frá Háskóla Íslands í júní 1998. Auk þess lauk hún meistaraprófi í alþjóðlegum mannréttindalögum frá Raoul Wallenberg stofnun Háskólans í Lundi árið 2004. Þá hefur hún sótt lögfræðinámskeið hérlendis og erlendis, þ.á m. á vegum Endurmenntunar Háskóla Íslands, Evrópuráðsins, Lagastofnunar Háskóla Íslands og Opna Háskólans í Háskólanum í Reykjavík.

Ólafur Freyr Frímannsson lauk meistaraprófi í lögfræði frá Háskóla Íslands í maí 2008. Auk þess hlaut hann réttindi sem löggiltur fasteigna-, fyrirtækja- og skipasali í júlí 2015 og hefur lokið fimm áföngum í grunnnámi viðskiptadeildar Háskólans í Reykjavík. Frá haustinu 2016 hefur hann stundað meistaránám í fjármálum fyrirtækja við Háskólann í Reykjavík. Þá hefur hann sótt mörg námskeið á vegum Lögmannafélags Íslands, Lagastofnunar Háskóla Íslands og Endurmenntunar Háskóla Íslands.

Ragnheiður Elfa Þorsteinsdóttir lauk embættisprófi í lögfræði frá lagadeild Háskóla Íslands árið 1992. Auk þess lauk hún LL.M.-prófi frá Edinborgarháskóla í þjóðarétti og mannréttindum 1995. Þá hefur hún stundað nám í verðbréfavíðskiptum en á einu prófi ólokið.

Sigurður Jónsson lauk embættisprófi í lögfræði frá Háskóla Íslands árið 1983. Hann hefur auk þess sótt mörg námskeið í ýmsum greinum lögfræðinnar, aðallega á vegum Endurmenntunar Háskóla Íslands og Lögmannafélags Íslands.

Sonja María Hreiðarsdóttir lauk embættisprófi frá lagadeild Háskóla Íslands árið 1990. Þá hlaut hún réttindi sem löggiltur fasteigna- og skipasali á árinu 2015. Auk þess lauk hún námi í mannauðsstjórnun hjá Endurmenntun Háskóla Íslands árið 1998 og námskeiði um sáttamiðlun hjá Sátt árið 2007. Þá hefur hún lokið mörgum námskeiðum í sáttamiðlun og lögfræði, m.a. á vegum Lögmannafélags Íslands, Endurmenntunar Háskóla Íslands og Háskólans í Reykjavík.

Sólveig Ingadóttir lauk meistaraþrófi í lögfræði frá lagadeild Háskóla Íslands árið 2010. Auk þess hlaut hún réttindi til að starfa sem löggiltur fasteigna-, fyrirtækja- og skipasali á árinu 2015. Þá hefur hún setið námskeið á vegum fagráðs dómara.

Stefán Erlendsson lauk embættisprófi í lögfræði frá Háskóla Íslands árið 1992. Auk þess lauk hann misserisnámi við lagadeild Kaupmannahafnarháskóla árið 2008 og LL.M.-prófi í alþjóðlegum umhverfis- og auðlindarétti við Háskóla Íslands árið 2016. Þá hefur hann sótt mörg námskeið héraðs og erlendis, m.a. á vegum Lögmannafélags Íslands, Endurmenntunar Háskóla Íslands og European Academy of Law (ERA).

Stefanía Guðrún Sæmundsdóttir lauk embættisprófi í lögfræði frá Háskóla Íslands í júní 1992. Auk þess hefur hún setið námskeið, m.a. á vegum Lögregluskóla ríkisins og Endurmenntunar Háskóla Íslands.

Valborg Steingrimsdóttir lauk meistaraþrófi í lögfræði frá Háskóla Íslands árið 2008. Auk þess lauk hún LL.M.-prófi við lagaskóla Berkeley-háskólans í Kaliforníu 2011. Þá hefur hún sótt nokkur námskeið á vegum dómstólaráðs.

Þórhildur Líndal lauk embættisprófi frá lagadeild Háskóla Íslands árið 2009. Auk þess lauk hún BA-prófi í heimspeki frá sama skóla árið 2004. Hún hefur lokið tveimur námskeiðum hjá Endurmenntun Háskóla Íslands og sótt nokkur námskeið á vegum dómstólaráðs og Lögmannafélags Íslands. Þá hlaut hún réttindi sem löggiltur fasteigna-, fyrirtækja- og skipasali á árinu 2015.

Þórir Örn Arnason lauk embættisprófi frá lagadeild Háskóla Íslands árið 1995.

5.1.1. Menntun og framhaldsmenntun – samanburður

Samkvæmt framangreindu hafa allir umsækjendur lokið hefðbundnu fimm ára háskólanámi í lögfræði. Mat í þessum kafla lýtur því að viðbótarnámi sem nýtist

umsækjendum. Þess skal þó getið að hvorki hefur verið lagt efnislegt mat á lagadeildir þar sem umsækjendur hafa lokið viðbótarnámi né sérstakt mat á námsbrautir eða námsgráður í lögfræði.

Að þessu virtu standa *Arnaldur* og *Stefán* öðrum umsækjendum framur í þessum þætti matsins og verður ekki gert upp á milli þeirra. Arnaldur hefur lokið meistarágráðu í lögfræði með auka einingum og Stefán hefur einnig lokið meistarágráðu í lögfræði og lagt stund á frekara nám. Þá hafa *Bjarnveig*, *Nanna*, *Ragnheiður Elfa* og *Valborg* öll lokið meistarágráðu í lögfræði og eru þær jafnsettar. Næst koma jöfn *Þórhildur* og *Hrannar* sem lokið hafa BA-gráðu til viðbótar laganámi sínu. Á eftir þeim kemur *Bjarni* sem stundaði framhaldsnám á meistarastigi og hlotið löggildingu til fasteigna-, fyrirtækja- og skipasölu. Næst kemur *Jónas* sem lokið hefur prófum sem hluta af meistarágráðu í lögfræði en ekki lokið henni. Næstur kemur *Ólafur Freyr* sem hefur lokið prófum sem hluta af meistarágráðu á öðru sviði. Þá koma *Guðfinnur*, *Guðmundína* og *Sonja María* sem öll hafa lokið lengri námsleiðum í endurmenntun og verður ekki gert upp á milli þeirra. Þá kemur *Hákon* sem hefur lokið prófum sem hluta af BA-gráðu. Næst koma *Ásgeir*, *Guðmundur Örn*, *Indriði*, *Jón Þór*, *Sigurður*, *Sólveig* og *Stefanía* sem öll hafa sótt styttri námskeið. Aðrir umsækjendur standa framantöldum að baki í þessum þætti hæfnismats en þau eru *Auður Björg*, *Brynjólfur* og *Þórir Örn*.

5.2. *Reynsla af dómstörfum*

Arnaldur Hjartarson starfaði sem aðstoðarmaður dómara við Hæstarétt Íslands frá því í apríl 2011 fram í maí 2012. Arnaldur var settur dómari við Héraðsdóm Reykjavíkur frá 16. september 2013 fram til 1. janúar 2014 en þar fékkst hann við sakamál og lögræðismál. Frá því í september 2015 hefur hann starfað sem aðstoðarmaður dómara (Legal Secretary - Head of Cabinet) við EFTA-dómstólinn. Samkvæmt umsókn hans hefur hann á þessu tímabili skrifað drög að um þriðjungum þeirra dóma sem dómstóllinn hefur kveðið upp. Um 80% starfa hans við dómstólinn varða dómstörf. Hann hefur þannig verið aðstoðarmaður dómara við Hæstarétt Íslands í rúmt ár og aðstoðarmaður við EFTA-dómstólinn í rúm tvö ár. Hann hefur verið settur héraðsdómari í þrjá og hálfan mánuð.

Auður Björg Jónsdóttir hefur ekki reynslu af dómstörfum.

Ásgeir Jónsson hefur ekki reynslu af dómstörfum.

Bjarni Lárusson starfaði sem löglærður fulltrúi hjá sýslumanninum í Borganesi frá 1988-1992.

Bjarnveig Eiríksdóttir hefur ekki reynslu af dómstörfum.

Brynjólfur Hjartarson starfaði sem aðstoðarmaður dómara við Héraðsdóm Reykjavíkur 2005-2009 eða í um fjögur ár.

Guðfinnur Stefánsson starfaði um fjögurra mánaða skeið sem aðstoðarmaður dómara við Héraðsdóm Reykjavíkur á árinu 2008. Frá upphafi árs 2009 hefur umsækjandinn starfað sem aðstoðarmaður dómara við Héraðsdóm Vesturlands að frátöldu tímabilinu 1. febrúar til 30. júní 2014 er hann var settur dómari við Héraðsdóm Reykjavíkur. Þegar umsækjandinn var settur héraðsdómari sinnti hann bæði saka- og einkamálum. Hann hefur því verið aðstoðarmaður dómara í um átta og hálf ár og settur héraðsdómari í fimm mánuði.

Guðmundína Ragnarsdóttir hefur ekki reynslu af dómstörfum.

Guðmundur Örn Guðmundsson hefur ekki reynslu af dómstörfum.

Hákon Þorsteinsson hóf störf sem aðstoðarmaður dómara við Héraðsdóm Reykjaness vorið 2010. Því starfi gegndi hann til febrúar 2018, að frátöldu þriggja mánaða tímabili á árinu 2014 þegar hann var settur héraðsdómari við sama dómstól. Sem settur héraðsdómari hafði hann til meðferðar saka- og einkamál og kröfur um beinar aðfarargerðir. Frá janúar 2018 hefur hann gegnt starfi aðstoðarmanns dómara við Landsrétt. Hann hefur því verið aðstoðarmaður dómara í rúm sjö ár og settur héraðsdómari í þrjá mánuði.

Hrannar Már Hafberg starfaði sem aðstoðarmaður dómara við Héraðsdóm Norðurlands eystra árin 2008-2009 og við Héraðsdóm Reykjavíkur árin 2009-2011 og aftur 2014-2015. Hann fékk leyfi frá störfum sínum sem aðstoðarmaður héraðsdómara 10. júní 2011. Hann var settur dómari við Héraðsdóm Reykjavíkur frá 5. september 2011 til 29. febrúar 2012 og aftur um tveggja vikna skeið í mars 2012. Sem settur héraðsdómari fékkst hann mest við einkamál. Hann hefur því verið aðstoðarmaður dómara í um fjögur ár og settur héraðsdómari í um sex og hálfan mánuð.

Indriði Þorkelsson hefur ekki reynslu af dómstörfum.

Jón Þór Ólason starfaði sem aðstoðarmaður dómara við Héraðsdóm Vestfjarða frá júní 2000 til september sama ár.

Jónas Jóhannsson var settur fulltrúi við Sakadóm Reykjavíkur í júní 1988 og fimm mánuðum seinna var hann skipaður í sama starf. Í ágúst 1991 var hann settur héraðsdómari við fimm sýslumanns- og bæjarfógetaembætti á Vestfjörðum og gegndi hann þeirri stöðu út júní 1992 þegar hann var settur dómari við nýstofnað embætti Héraðsdóms Vestfjarða. Í desember sama ár hlaut hann skipun í það embætti og í ágúst 1998 fluttist hann til Héraðsdóms Reykjaness en var í námsleyfi frá störfum í níu mánuði á árunum 2004-2005. Frá febrúar 2006 til loka ágúst 2008 var hann dómari við Héraðsdóm Reykjavíkur. Frá 1. september á því ári til loka árs 2011 var hann í leyfi frá störfum en fékk þá lausn frá embætti að eigin ósk. Hann á að baki þriggja ára feril sem dómarafulltrúi og um 16 ára sem dómari.

Nanna Magnadóttir var aðstoðarmaður héraðsdómara við Héraðsdóm Reykjavíkur frá september 1998 til ársloka 2000, að frádregnum fjórum mánuðum sem hún starfaði fyrir dómstólaráð. Hún hefur því starfað sem aðstoðarmaður héraðsdómara í tvö ár.

Ólafur Freyr Frímansson hefur ekki reynslu af dómstörfum.

Ragnheiður Elfa Þorsteinsdóttir hefur ekki reynslu af dómstörfum.

Sigurður Jónsson starfaði sem fulltrúi hjá sýslumanninum á Akureyri á árunum 1983 til 1986 og hefur starfað sem dómkvaddur matsmaður, aðallega til að meta verðmæti fasteigna og til þess að gera arðskrár vegna veiði.

Sonja María Hreiðarsdóttir var fulltrúi við Héraðsdóm Vestfjarða 1993-1996, þar af settur héraðsdómari í júlí og ágúst árin 1993-1996. Hún hefur verið varadómari í Félagsdómi frá árinu 2011 og tekið sæti í sjö málum. Hún hefur því verið fulltrúi héraðsdómara í um þrjú ár, þar af settur héraðsdómari um nokkurra mánaða skeið.

Sólveig Ingaóttir hefur starfað sem aðstoðarmaður dómara við Héraðsdóm Suðurlands frá árinu 2010 eða í tæp átta ár.

Stefán Erlendsson hefur ekki reynslu af dómstörfum.

Stefanía Guðrún Sæmundsdóttir hefur ekki reynslu af dómstörfum.

Valborg Steingrimsdóttir hefur starfað sem aðstoðarmaður dómara við Héraðsdóm Reykjavíkur frá september 2011 eða í rúm sex ár.

Þórhildur Línadal hóf störf sem aðstoðarmaður dómara við Héraðsdóm Reykjaness, að loknu laganámi í október 2009, en frá september 2010 hefur hún starfað sem aðstoðarmaður dómara við Héraðsdóm Reykjavíkur eða samtals í tæp átta ár.

Þórir Örn Árnason hefur ekki reynslu af dómstörfum.

5.2.1. *Reynsla af dómstörfum – samanburður*

Nokkrir umsækjendur hafa reynslu af dómstörfum, mismunandi mikla. Þó nokkrir umsækjenda hafa enga reynslu af dómstörfum. Við mat á dómstörfum verður litið til tímalengdar dómstarfa, eðlis og fjölbreytni starfanna. Í þessum þætti hefur jafnframt verið gætt að innsendum gögnum umsækjenda og opinberum gögnum, þar á meðal dómum sem sætt hafa áfrýjun. Einnig er litið til starfa umsækjenda sem fulltrúa eða aðstoðarmanna dómara og hvort umsækjendur hafa verið aðstoðarmenn dómara við héraðsdóm, í Hæstarétti eða við EFTA-dómstólinn. Þá er litið til þess hvort umsækjendur hafi fengið setningu sem héraðsdómarar. Þegar mat er lagt á reynslu þeirra sem störfuðu sem fulltrúar og dómarar fyrir réttarfarsbreytingarnar 1. júlí 1992 er tekið tillit til þess að langt er um liðið og reglur á öllum sviðum réttarfars gjörbreyttar.

Jónas hefur lengsta reynslu umsækjenda sem héraðsdómari. Hann starfaði sem héraðsdómari í rúmlega 16 ár, frá árinu 1991 til 2008 að frádregnu níu mánaða leyfi. Vegna þessarar reynslu stendur *Jónas* efstur í þessum matsþætti. Við mat á þessum þætti verður þó að hafa í huga að umsækjandinn gegndi starfi dómara síðast fyrir tíu árum. Einnig veitti hann dómnefnd misvísandi upplýsingar í umsókn og umsóknargögnum um reynslu sína sem dómari. Hélt hann því fram að á 20 ára starfsferli sem dómari hafi dómur hans og úrskurðir sem sættu endurskoðun Hæstaréttar verið nær undantekningarlaust staðfestir og oftast en ekki með vísan til forsendna. Lét hann fylgja endurrit níu dóma og úrskurða og skoraði á dómnefnd að kynna sér vel. Dómnefnd hefur kynnt sér þessar dómsúrlausnir sem eru í hæstaréttarmálunum nr. 166/1999, 58/2000, 72/2000, 240/2001, 168/2002, 429/2006,

602/2006, 92/2007 og 74/2008 og einnig ýmsar aðrar úrlausnir umsækjandans, þar á meðal dóm í hæstaréttarmálinu nr. 82/2000. Dómnefnd telur að þessar dómsúrlausnir, eins og þær voru í héraði og eftir að hafa sætt endurskoðun í Hæstarétti, sýni að upplýsingar umsækjandans séu ekki fyllilega áreiðanlegar.

Á eftir Jónasi kemur *Guðfinnur* en hann hefur starfað sem aðstoðarmaður dómara í um átta og hálf ár og verið settur héraðsdómari í fimm mánuði. Fékkst hann jöfnum höndum við sakamál, einkamál og til dæmis lögræðismál. Á eftir þeim koma jöfn *Arnaldur, Hákon, Hrannar, Sólveig, Valborg* og *Pórhildur*. Arnaldur starfaði sem aðstoðarmaður dómara við Hæstarétt Íslands í rúmt ár, hefur verið í rúm tvö ár aðstoðarmaður við EFTA-dómstólinn og var settur héraðsdómari í þrjá og hálfan mánuð. Hákon hefur starfað sem aðstoðarmaður héraðsdómara í rúm sjö ár og verið settur héraðsdómari í þrjá mánuði. Hrannar starfaði sem aðstoðarmaður héraðsdómara í um fjögur ár og var settur héraðsdómari í um sex og hálfan mánuð. Sólveig hefur starfað sem aðstoðarmaður héraðsdómara í sjö ár, Valborg í rúm sex ár og Pórhildur í tæp átta ár. Þá koma *Brynjólfur* og *Sonja María* og eru þau jafnsett. Brynjólfur var aðstoðarmaður héraðsdómara í um fjögur ár og Sonja María var fulltrúi héraðsdómara í um þrjú ár, þar af settur héraðsdómari um nokkurra mánaða skeið. Á eftir þeim koma jöfn *Bjarni, Nanna* og *Sigurður* sem hafa skemmri starfsreynslu að þessu leyti, Nanna sem aðstoðarmaður héraðsdómara og Bjarni og Sigurður sem fulltrúar sýslumanns fyrir réttarfarsbreytinguna 1992. Næstur kemur *Jón Þór* með nokkurra mánaða starfsreynslu sem aðstoðarmaður héraðsdómara. Aðrir umsækjendur hafa enga reynslu af dómstörfum en það eru *Auður Björg, Ásgeir, Bjarnveig, Guðmundína, Guðmundur Örn, Indriði, Ólafur Freyr, Ragnheiður Elfa, Stefán, Stefanía* og *Þórir Örn*.

5.3. Reynsla af lögmannsstörfum

Arnaldur Hjartarson öðlaðist réttindi til málflutnings fyrir héraðsdómi 2008. Frá vori 2008 fram í janúar 2009 starfaði hann sem löglærður fulltrúi á LEX lögmannsstofu.

Auður Björg Jónsdóttir öðlaðist réttindi til málflutnings fyrir héraðsdómi 2006 og fyrir Hæstarétti Íslands 2014. Að loknu laganámi starfaði hún hjá Jóni Egilssyni

hrl. sem fulltrúi en hefur verið sjálfstætt starfandi lögmaður frá hausti 2015. Hún hefur bæði reynslu af sakamálum og einkamálum og hefur starfað sem lögmaður í um það bil 11 ár, þar af sem hæstaréttarlögmaður í þrjú ár.

Ásgeir Jónsson öðlaðist réttindi til málflutnings fyrir héraðsdómi 1990, fékk leyfi til að flytja mál í Hæstarétti Íslands, skv. 2. mgr. 9. gr. laga nr. 61/1942, 1998 og hæstaréttarlögmannsréttindi 2008. Umsækjandinn hefur því starfað sem lögmaður í 27 ár, þar af sem hæstaréttarlögmaður í níu ár. Hann starfar nú sem starfsmaður lögmannsstofu. Á lögmannstíma sínum hefur hann aðallega fengist við einkamál en hefur jafnframt verið verjandi í sakamálum og réttargæslumaður brotaþola.

Bjarni Lárusson öðlaðist réttindi sem héraðsdómslögmaður í september 1994 og réttindi til málflutnings fyrir Hæstarétti Íslands í september 2013. Árin 1994-1995 var hann lögmaður á Lögmannsstofu Árna Grétars Finnssonar hrl. en frá 1995-2005 rak hann eigin lögmannsstofu. Þá starfaði hann sem lögmaður hjá Lögheimtunni hf./PACTA lögmönnum 2005-2017, aðallega við fullnusturéttarfar. Á lögmannstíma sínum að öðru leyti hefur hann mest fengist við einkamál en hefur jafnframt gegnt verjendastörfum í sakamálum. Þá hefur hann tvívegis tekið þátt í rekstri kvörtunarmála við Eftirlitsstofnun EFTA. Hann hefur sinnt lögmennsku sem aðalstarfi í rúmlega 22 ár, þar af sem hæstaréttarlögmaður í þrjú og hálf ár.

Bjarnveig Eiríksdóttir öðlaðist réttindi til málflutnings fyrir héraðsdómi 1987. Sem starfsmaður Eftirlitsstofnunar EFTA frá 1996 til 2003 sinnti hún málflutningi fyrir EFTA-dómstólnum og flutti eitt mál fyrir Evrópudómstólnum. Frá 2003-2004 var hún lögmaður á skrifstofu borgarlögmanns og frá 2004-2005 lögmaður hjá TAXIS lögmannsstofu þar sem hún sinnti m.a. verjendastörfum vegna skattrannsókna og kæru til yfirskattanefndar. Þá hefur hún verið sjálfstætt starfandi lögmaður frá árinu 2007. Á þeim tíma hefur hún veitt ráðgjöf til stjórnvalda, fyrirtækja og einstaklinga, m.a. vegna EES-samningsins og viðskiptalöggjafar, og sinnt öllum almennum lögmannsstörfum auk þess að hafa flutt mál fyrir EFTA-dómstólnum. Umsækjandinn hefur sinnt lögmannsstörfum í um 12 ár auk þess að hafa sinnt málflutningi sem starfsmaður Eftirlitsstofnunar EFTA.

Brynjólfur Hjartarson öðlaðist réttindi til málflutnings fyrir héraðsdómi 2004. Árin 2002-2004 starfaði hann sem löglærður fulltrúi á LEGALIS lögmannsstofu. Frá 2004-2005 var hann löggiltur fasteignasali og héraðsdómslögmaður á fasteignasölu.

Guðfinnur Stefánsson hefur ekki reynslu af lögmannsstörfum.

Guðmundína Ragnarsdóttir öðlaðist réttindi til málflutnings fyrir héraðsdómi 1998 og hefur fengið staðfestingu um að hún uppfylli skilyrði til að þreyta prófraun um málflutning fyrir Hæstarétti. Hún hefur starfað sem lögmaður frá árinu 2002, þar af sem sjálfstætt starfandi lögmaður frá upphafi árs 2011. Fram til ársins 2011 starfaði hún aðallega við innheimtu, fjármuna- og samningarétt en frá þeim tíma hefur hún unnið mikið á sviði fasteignaréttar. Lögmannsferill hennar spannar því 15 ár.

Guðmundur Örn Guðmundsson öðlaðist réttindi til málflutnings fyrir héraðsdómi 1996 og hefur síðan þá starfað sem sjálfstætt starfandi lögmaður. Á þeim tíma hefur hann meðal annars verið skipaður skiptastjóri þrotabúa en þar fyrir utan hafa störf hans að mestu leytí snúið að rekstri fasteignafélags og hefur hann því lítið fengist við lögmannsstörf síðastliðin ár.

Hákon Þorsteinsson öðlaðist réttindi til málflutnings fyrir héraðsdómi 2009. Á árunum 2009-2010 starfaði hann sem fulltrúi á lögmannsstofu.

Hrannar Már Hafberg öðlaðist réttindi til málflutnings fyrir héraðsdómi 2009 en hefur ekki starfað sem lögmaður.

Indriði Þorkelsson öðlaðist réttindi til málflutnings fyrir héraðsdómi 1985, takmörkuð réttindi til málflutnings fyrir Hæstarétti Íslands 1998 og réttindi sem hæstaréttarlögmaður 2009. Frá október 1983 til aprílloka 1985 starfaði hann sem fulltrúi hjá Ragnari Aðalsteinssyni hrl. Hann hefur starfað sem lögmaður frá 1. maí 1985, sjálfstætt starfandi til ársins 1999 en fulltrúi frá þeim tíma. Frá 1999 til 1. febrúar 2008 starfaði hann sem fulltrúi hjá Almennu lögfræðistofunni sf. en frá þeim tíma til dagsins í dag sem fulltrúi hjá Juris slf. Frá árinu 2009 hefur starf hans einkum verið við þjóðlendumál en jafnframt hefur hann stundað önnur almenn lögmannsstörf. Lögmannsferill hans spannar rúmlega þrjú áratugi en þar af hefur hann verið hæstaréttarlögmaður í rúm átta ár, lengst af sem fulltrúi.

Jón Þór Ólason öðlaðist réttindi til málflutnings fyrir héraðsdómi 2009. Áður hafði hann starfað í tæplega þrjú ár sem aðstoðarmaður setts ríkissaksóknara

samkvæmt umboðsskrá í svonefndu Baugsmáli. Hann starfaði sem fulltrúi hjá Lögmonnum Laugardal í tvö ár frá 2008-2010. Hann hefur starfað sem lögmaður á Jónatansson & Co lögfræðistofu frá janúar 2010 eða í tæp átta ár. Hann hefur á þeim tíma tengst málum er snerta flest svið lögfræðinnar en drýgstur hluti þeirra tengst skaðabótarétti, félagarétti, löggjöf á sviði fjármálaþjónustu, gjaldþrotaskiptum og verjendastörfum í sakamálum. Þá hefur hann flutt tvö prófmál til að öðlast rétt til málflutnings fyrir Hæstarétti. Samtímis hefur hann sinnt tímafrekum kennslustörfum í háskóla.

Jónas Jóhannsson öðlaðist réttindi sem héraðsdómslögmaður 2004 og sem hæstaréttarlögmaður í janúar 2012. Á lögmannsferli umsækjandans sem er frá 2012 hefur hann unnið sérstaklega á sviði mannréttinda, stjórnisýsluréttar, vinnuréttar og barna- og fjölskylduréttar. Hann er skráður fulltrúi á lögmannsstofu. Hann var búsettur í Brussel frá 2008 til og með 2011 en aðspurður kveðst hann hafa búið í Reykjavík ríflega 120 daga á ári frá 2012 til maí 2016 en endranær í Brussel. Í lögmennsku sinni leggur hann áherslu á að setta mál fremur en að útkljá þau fyrir dómstólum. Að teknu tilliti til búsetu hans, fjarvinnu frá Brussel og eðlis lögmannsstarfa sýnist eðlilegt að líta svo á að hann hafi frá 2012 sinnt lögmennsku í þrjú og hálf ár. Jónas hefur í sérstöku skjali, dagsettu 18. janúar 2018, andmælt mati nefndarinnar á lögmannsreynslu sinni í umsögn 21. desember 2017. Segist hann vænta þess að hann „njóti loks sannmælis hjá nefndinni.“ Í fyrri umsögn var lögmannsferill hans metinn þrjú og hálf ár frá janúar 2012 til og með síðari hluta árs 2017 og sýnist þá ekki hallað á umsækjandann. Viðbótarupplýsingar eru þess efnis að þær leiða ekki til breytinga á afstöðu dómnefndar.

Nanna Magnadóttir öðlaðist réttindi sem héraðsdómslögmaður á árinu 2001 en hefur ekki reynslu af störfum á lögmannsstofu að loknu laganámi.

Ólafur Freyr Frímannsson öðlaðist réttindi sem héraðsdómslögmaður 2008. Að loknu laganámi vorið 2008 hóf hann störf á Mörkinni lögmannsstofu þar sem hann gegndi störfum til hausts 2015. Frá október 2015 til nóvember 2017 gegndi hann störfum hjá Lagahvoli slf. Síðan þá hefur hann verið sjálfstætt starfandi lögmaður. Hann hefur sinnt verkefnum á flestum sviðum lögmennsku en á sviði einkamála hafa verkefni hans einkum tengst félagarétti, fjármunarétti, gjaldþrotaskiptarétti,

samkeppnisrétti, stjórnarsýslurétti og verðbréfamarkaðsrétti. Hann hefur jafnframt gegnt hlutverki verjanda og réttargæslumanns í sakamálum og hlutverki skiptastjóra. Lögmannsferill hans spannar nú níu ár sem fulltrúi.

Ragnheiður Elfa Þorsteinsdóttir hefur réttindi sem héraðsdómslögmaður og hefur starfað sem lögmaður frá árinu 2013, meðfram starfi sínu sem lektor við Háskólann á Akureyri frá 2014.

Sigurður Jónsson öðlaðist réttindi sem héraðsdómslögmaður 1989 og sem hæstaréttarlögmaður í janúar 1997. Hann hefur rekið eigin lögmannsstofu frá árinu 1991, lengst af á Selfossi og í Vestmannaeyjum en síðan í Kópavogi. Samhliða hefur hann rekið fasteignasölu. Á lögmannsferli hans hefur hann m.a. rekið mörg mál fyrir stjórnvaldsnefndum, ekki síst óbyggðanefnd. Hann hefur því sinnt lögmennsku sem aðalstarfi í 26 ár, þar af sem hæstaréttarlögmaður í 20 ár.

Sonja María Hreiðarsdóttir öðlaðist réttindi sem héraðsdómslögmaður 1995. Þá hefur hún flutt tvö prófmál til öflunar málflutningsréttinda fyrir Hæstarétti Íslands. Frá 1996-2000 starfaði hún sem lögfræðingur í lögfræðideild Íslandsbanka hf. Í júní 2006 hóf hún störf sem fulltrúi á lögmannsstofunni Pacta en þar starfaði hún við almenn lögmannsstörf í rúmt ár eða þar til hún hóf eigin rekstur lögmannsstofu, Lögmannsstofu Sonju Maríu ehf., fyrst í samstarfi við Borgarlögmenn. Í maí 2011 hóf hún samstarf við Megin lögmannsstofu. Helstu málaflokkar sem hún hefur sinnt sem lögmaður eru vinnuréttur, vinnumarkaðsréttur, stjórnarsýsluréttur, skiptastjórn og fjölskylduréttur. Frá nóvember 2016 hefur hún starfað hjá borgarlögmanni. Lögmannsferill hennar spannar því 11 ár, þar af sem fulltrúi í eitt ár.

Sólveig Ingadóttir öðlaðist réttindi sem héraðsdómslögmaður 2011 en hefur ekki reynslu af lögmannsstörfum.

Stefán Erlendsson öðlaðist réttindi sem héraðsdómslögmaður 1996. Hann hefur starfað hjá Vegagerðinni frá árinu 1992, þar af sem héraðsdómslögmaður frá árinu 1996. Meðal verkefna hans þar eru að annast samningsgerð, meðferð skaðabótakrafna og eignarnám. Hann hefur annast munnlegan og skriflegan flutning dómsmála hjá úrskurðarnefndum og matsnefnd eignarnámsbóta. Umsækjandinn hefur starfað sem innanhússlögmaður Vegagerðarinnar í 21 ár en hluta þess verða gerð skil í kafla 5.4. um reynslu af stjórnarsýslustörfum.

Stefanía Guðrún Sæmundsdóttir öðlaðist réttindi sem héraðsdómslögmaður 1997. Hún starfaði sem héraðsdómslögmaður í tæp tvö ár, 2000-2002, á lögmannsstofu Daggar Pálsdóttur hrl. Í framhaldi af því starfaði hún á ákæru- og lögfræðisviði lögreglustjórans í Reykjavík í 15 mánuði þar sem hún fór meðal annars með saksókn fyrir héraðsdómi. Sama starfi gegndi hún í átta mánuði á árinu 2006. Að sögn hennar var málflutningsþáttur starfars á fyrra tímabilinu fyrirferðarminni en stjórnarsýslustörf en skipting starfa að þessu leyti nokkuð jöfn á því síðara. Hið sama gildir um núverandi starf hennar. Hún starfaði sem fulltrúi á lögmannsstofu í rúmlega eitt ár á tímabilinu 2010-2012. Hún hefur starfað sem saksóknari við embætti ríkissaksóknara frá 1. febrúar 2012, fyrst sem settur saksóknari en var skipuð í embætti frá 1. janúar 2016. Í því starfi hefur hún meðal annars annast sókn sakamála fyrir héraðsdómi og Hæstarétti. Hún hefur því tæplega 11 ára reynslu af málflutningsstörfum sem fulltrúi á lögmannsstofu, lögfræðingur á ákærusviði lögreglustjóra eða saksóknari en hluti starfa hennar á sama tíma telst til stjórnarsýslustarfa.

Valborg Steingrimsdóttir öðlaðist réttindi sem héraðsdómslögmaður 2016 en hefur ekki reynslu af lögmannsstörfum.

Þórhildur Líndal öðlaðist réttindi sem héraðsdómslögmaður 2012 en hefur ekki reynslu af störfum á lögmannsstofu að loknu laganámi.

Þórir Örn Árnason öðlaðist réttindi sem héraðsdómslögmaður 1999. Hann starfaði sem fulltrúi á lögmannsstofu Jóns Ingvars Pálssonar hdl. frá 1997-1998. Árin 1999-2005 var hann sjálfstætt starfandi lögmaður. Frá árinu 2005 gegndi hann stöðu forstöðumanns lögfræðinnheimtu og fullnustueigna Íslandsbanka en hann gegndi því starfi í tíu ár. Í því starfi fólst m.a. yfirumsjón og meðferð allra innheimtumála bankans, málflutningur og almenn lögmannsstörf. Árin 2015-2016 var hann sjálfstætt starfandi lögmaður og ráðgjafi og sinnti ýmsum ráðgjafaverkefnum vegna fasteignaviðskipta og aðstoð við skuldaskil. Frá árinu 2016 hefur hann rekið lögmannsstofuna og innheimtufyrirtækið Myntu ehf. Að eigin sögn hefur hann ekki starfað við málflutning síðan árið 2010. Umsækjandinn hefur sinnt lögmennsku og stjórnunarstörfum í lögmennsku í samtals 18 ár.

5.3.1. *Reynsla af lögmannsstörfum – samanburður*

Eins og að framan greinir hafa ýmsir umsækjenda allt frá svólíttli lögmannsreynslu og upp í mjög mikla reynslu á þessu sviði. Tæpur fjórðungur umsækjenda hefur þó enga reynslu af lögmannsstörfum.

Dómnefndin hefur við matið tekið tillit til fjölbreytni í lögmannsstörfum, mismunandi eðlis starfa umsækjenda, fjölda og mikilvægis dómsmála sem viðkomandi hefur fengist við. Hefur í því sambandi verið gætt að innsendum gögnum umsækjenda og opinberum upplýsingum. Í samhengi við fjölbreytni hefur jafnframt verið gætt að því hvort umsækjendur séu með réttindi til málflyttings fyrir Hæstarétti. Við samanburð verður eins og varðandi dómstörf litið til starfsaldurs. Varðandi starfsaldur verður litið til fulltrúastarfa á lögmannsstofum í kjölfar lokaprófs. Að því er varðar málflyttingsreynslu hafa sækjendastörf verið metin á sama hátt í þessum þætti. Einnig hefur verið tekið tillit til þess að sumir umsækjenda sinntu samhliða lögmannsstörfum viðfangsefnum er snúa meðal annars að stjórnslu og er sá hluti starfanna metinn í viðeigandi þáttum hæfnismatsins.

Ásgeir og Sigurður standa öðrum umsækjendum framar í þessum þætti hæfnismats. Ásgeir hefur starfað sem lögmaður í 27 ár, þar af sem hæstaréttarlögmaður í níu ár, og sinnti fjölbreyttum lögmannsstörfum á meðan hann rak eigin lögmannstofu í 15 ár. Sigurður hefur einnig sinnt fjölbreyttum lögmannsstörfum að aðalstarfi í 26 ár, þar af sem hæstaréttarlögmaður í 20 ár og rekið mörg mál fyrir stjórnvaldsnefndum einkum óbyggðanefnd. Á eftir þeim koma Bjarni og Indriði. Bjarni hefur sinnt lögmennsku að aðalstarfi í rúmlega 22 ár, þar af sem hæstaréttarlögmaður í þrjú og hálf ár. Indriði hefur starfað sem lögmaður í rúmlega þrjá áratugi, lengst af sem fulltrúi, þar af sem hæstaréttarlögmaður í rúm átta ár. Hefur hann einkum sinnt þjóðlendumálum síðastliðin níu ár. Næst þeim kemur Auður Björg sem hefur starfað sem lögmaður í um það bil 11 ár, sinnt bæði einkamálum og sakamálum, þar af sem hæstaréttarlögmaður í þrjú ár. Þá kemur Guðmundína sem hefur gegnt starfi lögmanns í um 15 ár og hafa störf hennar beinst að tiltölulega afmörkuðum réttarsviðum. Á eftir henni koma jöfn Bjarnveig, Jón Þór, Ólafur Freyr, Sonja María, Stefán og Stefanía sem öll hafa gegnt lögmanns- eða málflyttingsstörfum um árabíl. Á eftir þeim koma Guðmundur Örn, Jónas og Þórir

Örn jafnsettir. Þá koma *Brynjólfur, Hákon og Ragnheiður Elfa* og verður ekki gert upp á milli þeirra. Næstur kemur *Arnaldur* sem hefur smávægilega lögmannsreynslu. Aðrir umsækjendur hafa ekki reynslu í þessum þætti hæfnismats en þau eru *Guðfinnur, Hrannar, Nanna, Sólveig, Valborg og Þórhildur*.

5.4. *Reynsla af stjórnisýslustörfum*

Arnaldur Hjartarson var starfsmaður rannsóknarnefndar Alþingis vegna falls íslensku bankanna frá byrjun árs 2009 í um eitt ár. Hjá Fjármálaeftirlitinu starfaði hann við stjórnisýslustörf á lánasviði í um eitt ár frá 2010-2011. Frá því í júlí 2013 og fram í júlí 2015 starfaði hann sem yfirlögfræðingur Bankasýslu ríkisins. Frá miðjum september 2013 var hann í takmörkuðu starfshlutfalli vegna annarra starfa. Frá því í maí 2015 hefur hann setið í viðurlaganefnd Kauphallar NASDAC OMX Iceland hf., upphaflega sem varamaður en frá því í mars 2017 sem aðalmaður. Sem varamaður tók hann þátt í öllum málum sem tekin voru til meðferðar fyrir nefndinni. Hann hefur starfað við stjórnisýslustörf að aðalstarfi í tvö ár auk þess að hafa setið í einni úrskurðarnefnd og verið í hlutastarfi hjá stjórnisýslustofnun.

Auður Björg Jónsdóttir hefur verið formaður kærunefndar húsamála frá árinu 2013. Nefndin úrskurðar eða gefur álit í allt að 90 málum á ári. Frá desember 2016 hefur hún alfarið séð um að rita úrskurði og álit nefndarinnar en fram að því höfðu starfsmenn velferðarráðuneytisins annast það og hún farið yfir skrif þeirra. Hún hefur því leitt annasama stjórnisýslunefnd í fjögur ár.

Ásgeir Jónsson gegndi starfi gjaldheimtustjóra Suðurnesja frá desember 1987 til maí 1990. Umsækjandinn undirbjó kosningu fyrir nýtt nafn á sameinuðu sveitarfélagi Keflavíkur, Njarðvíkur og Hafna og var jafnframt formaður kjörstjórnar. Hann var varamaður í félagsmálaráði Reykjanesbæjar 1994-1998 og sat nánast alla fundi ráðsins. Í ágúst 1999 var umsækjandinn skipaður formaður í umsjónarnefnd fólksbifreiða á Suðurnesjum sem hann gegndi til ársins 2002. Hann gegndi stjórnisýslustarfi að aðalstarfi í tvö og hálf ár og hefur setið í tveimur stjórnisýslunefndum.

Bjarni Lárusson starfaði sem löglærður fulltrúi hjá sýslumanninum í Reykjavík 1992-1994.

Bjarnveig Eiríksdóttir starfaði á þinglýsingadeild borgarfégetans í Reykjavík í þrjú mánuði 1984. Hún starfaði í átta ár hjá fjármálaráðuneytinu í ýmsum störfum sem fulltrúi og síðar deildarstjóri 1984-1995 en helstu störf voru úrskurðir um tollamál, óbeina skatta, virðisaukaskatt og að gera drög að stjórnvaldsreglum og frumvörpum. Þá sat hún einnig í ýmsum stjórnsýslunefndum á vegum ráðuneytisins. Árin 1989-1990 var hún fyrsti sendiráðsritari hjá fastanefnd Íslands í Genf. Árin 1996-2003 var hún lögmaður og staðgengill skrifstofustjóra á lagaskrifstofu ESA í Brussel eða í samtals sjö og hálf ár. Þá var hún varamaður í stjórn ESA á árunum 2007-2013 og tók sæti aðalmanns sem var vanhæfur við meðferð Icesave-málsins. Hún starfaði hjá umboðsmanni Alþingis í um eitt og hálf ár 2005-2007. Hún var formaður endurskoðendaráðs í hlutastarfi í fjögur ár 2009-2013. Hún hefur verið formaður málskotsnefndar LÍN frá árinu 2010 en nefndin hefur úrskurðað í um 311 málum á þeim tíma. Þá var hún nefndarmaður í yfirskattanefnd í tvö og hálf ár 2015-2017 og tók þátt í um það bil 700 málum. Þá var hún í hlutastarfi hjá ríkistollanefnd í níu mánuði árið 2014 í þremur málum. Hún hefur því gegnt stjórnsýslustarfi að aðalstarfi í rösklega 18 ár og setið í mörgum annasömum stjórnsýslunefndum.

Brynjólfur Hjartarson starfaði sem löglærður fulltrúi hjá sýslumanninum í Keflavík 1999-2002. Hann hóf störf árið 2010 í samgöngu- og sveitarstjórnarráðuneytinu, síðar innanríkisráðuneytinu og nú aftur samgöngu- og sveitarstjórnarráðuneytinu, þar sem hann ber ábyrgð á og úrskurðar í kærumálum á ýmsum sviðum. Þá sá hann um afgreiðslu álita á grundvelli sveitarstjórnarlaga, leyfisveitingar tengdum fasteignakaupum útlendinga og starfsmannamál undirstofnana hluta þess tíma. Hann hefur samið vel á fimmta hundrað úrskurða í starfi sínu á þessum tíma. Umsækjandinn hefur haft stjórnsýslustörf að aðalstarfi í u.þ.b. 11 ár.

Guðfinnur Stefánsson hefur ekki reynslu af stjórnsýslustörfum.

Guðmundína Ragnarsdóttir starfaði 1995-2000 hjá Innheimtustofnun sveitarfélaga. Árin 2000-2001 starfaði hún hjá skattstjóranum í Reykjanesumdæmi. Hún hefur þannig haft stjórnsýslustarf að aðalstarfi í um sjö ár.

Guðmundur Örn Guðmundsson hefur ekki reynslu af stjórnsýslustörfum.

Hákon Þorsteinsson hefur ekki reynslu af stjórnsýslustörfum.

Hrannar Már Hafberg starfaði sem fulltrúi hjá lögreglustjóranum í Reykjavík 2008 í rúmlega hálfu ári og fólst starf hans að nokkru leyti í meðferð stjórnsýslumála. Hann starfaði sem lögfræðingur hjá rannsóknarnefnd Alþingis um fall sparisjóðanna í sex mánuði 2012 en var formaður nefndarinnar frá 26. september 2012. Nefndin skilaði lokaskýrslu þann 10. apríl 2014. Hann var yfirlögfræðingur/sviðsstjóri lögfræðisviðs Fiskistofu og tilheyrði yfirstjórn 2015-2017. Frá því í ársbyrjun 2017 hefur hann gegnt ráðgjafarstörfum við stofnunina um lagaleg málefni og innra starf. Hann hefur því haft stjórnsýslustörf að aðalstarfi í um fjögur og hálfu ári.

Indriði Þorkelsson hefur ekki reynslu af stjórnsýslustörfum.

Jón Þór Ólason starfaði sem deildarsérfræðingur í dóms- og kirkjumálaráðuneytinu frá september 2000 til janúar 2006, fyrstu fjögur árin á dómsmála- og löggæsluskrifstofu en frá 2004 á lagaskrifstofu ráðuneytisins. Auk þess sat umsækjandinn í og stýrði vinnu starfshópa og nefnda á vegum ráðuneytisins, þ.m.t. samningu úrskurða, sinnti ýmsu alþjóðasamstarfi og var fulltrúi Íslands í sérfræðinefndum, meðal annars á vettvangi Schengen-samstarfsins, Evrópuráðsins og ríkjanevndar gegn spillingu (GRECO). Hann hefur sinnt stjórnsýslustörfum að aðalstarfi í um fimm og hálfu ári.

Jónas Jóhannsson sat í nefnd á vegum dómsmálaráðherra um könnun á veitingu reynslulausna skv. 40.- 42. gr. almennra hegningarlaga á árunum 2003-2004. Þann 5. september 2017 var hann skipaður formaður gjafsóknarnefndar.

Nanna Magnadóttir var skrifstofustjóri Héraðsdóms Reykjavíkur í rúmlega hálfu ári 2001. Þá starfaði hún í eitt ár hjá umboðsmanni Alþingis 2001-2002 og var jafnframt fengin um skeið til að sinna verkefnum fyrir umboðsmann haustið 2013. Í september 2003 hóf hún störf hjá Evrópuráðinu og starfaði þar til loka árs 2004, fyrst sem aðstoðarmaður í fastanefnd Íslands hjá Evrópuráðinu og síðar sem lögfræðingur hjá Evrópuráðinu við störf tengd fullnustu dóma Mannréttindadómstóls Evrópu. Frá

byrjun árs 2014 hefur hún gegnt stöðu forstöðumanns og formanns úrskurðarnefndar umhverfis- og auðlindamála. Hún hefur því haft stjórnáslustörf að aðalstarfi í ríflega fimm og hálf ár.

Ólafur Freyr Frímansson hefur ekki reynslu af stjórnáslustörfum.

Ragnheiður Elfa Þorsteinsdóttir starfaði sem yfirlögfræðingur umhverfisráðuneytisins á árunum 1995-1998. Hún starfaði hjá utanríkisráðuneytinu á árunum 1998-2013. Á árunum 1998-2004 starfaði hún á skrifstofu Þjóðréttarfræðings og viðskiptaskrifstofu og vann að útgáfu samninga Íslands við erlend ríki. Frá árinu 2004-2009 starfaði hún í sendiráði Íslands í Brussel en frá 2009 stýrði hún umhverfis- og auðlindarmálum í ráðuneytinu auk þess sem hún sat í samninganefnd Íslands vegna aðildarviðræðna við ESB til 2013 sem formaður samningahóps um byggðamál. Þá hefur hún átt sæti í úrskurðarnefnd um ólögsmætan sjávarafli frá árinu 2015. Hún hefur haft stjórnáslustörf að aðalstarfi í 18 ár auk þess að sitja í stjórnáslunefndum.

Sigurður Jónsson var fulltrúi sýslumannsins á Akureyri frá því um vorið 1983 til febrúar 1986 og sýslumannsins í Árnassýslu frá þeim tíma til 1987. Af störfum hans þar verður að telja að meirihluti teljist til dómstarfa. Hann var settur sýslumaður í Strandassýslu í einn og hálfan mánuð árið 1987. Þá var hann aðstoðarmaður dómsmálaráðherra frá því í september 1989 og fram í maí 1991 og sat í ýmsum nefndum á vegum Stjórnarráðsins í tengslum við það starf. Þá var hann formaður yfirúttektarnefndar Árnassýslu um nokkurra ára skeið. Má segja að hann hafi haft stjórnáslustörf að aðalstarfi í rösklega tvö ár auk nefndarformennskunnar.

Sonja María Hreiðarsdóttir starfaði sem fulltrúi hjá sýslumanninum í Keflavík 1992-1993. Hún starfaði sem sérfræðingur á starfsmannaskrifstofu fjármálaráðuneytisins frá 1. nóvember 2000 og fram í maí 2006. Hún var ritari áfrýjunarnefndar samkeppnismála 2009-2017 og hefur verið nefndarmaður í málsskotsnefnd LÍN frá 2010. Frá 1. nóvember 2016 hefur hún gegnt starfi lögmans hjá embætti borgarlögmans hjá Reykjavíkurborg en allmikill hluti þess starfs telst til stjórnáslu. Hún hefur þannig haft stjórnáslustörf að aðalstarfi í um átta og hálf ár.

Sólveig Ingadóttir hefur ekki reynslu af stjórnáslustörfum.

Stefán Erlendsson hefur starfað hjá Vegagerðinni síðan 1992. Fyrstu árin eða 1992-1997 var hann lögfræðingur og héraðsdómslögmaður sem annaðist alla

almenna lögfræðilega ráðgjöf á öllum sviðum Vegagerðarinnar. Hann var yfirmaður lögfræði- og mannauðsmála, bóka- og skjalasafns og útgáfu, árin 1997-2004. Árin 2004-2013 var hann yfirmaður lögfræðimála og eftirlits, árin 2013-2016 forstöðumaður lögfræðideildar og frá því í júlí 2016 framkvæmdastjóri stoðsviðs. Hann hefur starfað í tæp 25 ár hjá Vegagerðinni en stór hluti starfa hans þar telst til stjórnarsýslustarfa.

Stefanía Guðrún Sæmundsdóttir vann sem fulltrúi sýslumannsins í Reykjavík 1992-2000 eða í tæp átta ár að þremur mánuðum undanskildum. Á því þriggja mánaða tímabili, 1996-1997, starfaði hún á einkamálaskrifstofu dóms- og kirkjumálaráðuneytis. Hún fór með stjórn lögreglurannsókna og sinnti fleiri stjórnarsýsluverkefnum auk vinnu við málflutningsstörf hjá lögreglustjóranum í Reykjavík í fimmtán mánuði og aftur síðar í átta mánuði. Í rúmlega tvö ár vann hún við fæðingarorlofsmál hjá Tryggingastofnun og í tæplega fjögur ár hjá úrskurðarnefnd almennatrygginga. Þá sat hún um árabíl í úrskurðarnefnd skv. lögum um tæknifrjövgun. Sem settur saksóknari og saksóknari síðustu sex ár hefur hún samhliða vinnu við málflutningsstörf sinnt ýmsum stjórnarsýsluverkefnum, m.a. að leggja mat á rannsókn mála, afgreiða kærðar ákvarðanir lögreglustjóra o.fl. Á árunum 2010-2012 starfaði hún í rúmlega eitt ár samhliða lögmennsku í hlutastarfi fyrir úrskurðarnefnd skv. lögum um hollustuhætti og mengunarvarnir. Hún sat í hverfiskjörstjórn við sveitarstjórnarkosningar 1994, alþingiskosningar 1995 og sveitarstjórnarkosningar 1998. Hún hefur því haft stjórnarsýslustarf að aðalstarfi í fast að 22 árum en hluti starfa hennar hjá lögreglu og ákærvaldi fólst í málflutningi. Að auki hefur hún setið í stjórnarsýslunefndum.

Valborg Steingrímsdóttir starfaði í tvö ár hjá Orkustofnun á árunum 2008-2010 en í því starfi tók hún m.a. þátt í undirbúningi leyfisveitinga á grundvelli raforkulaga og laga um eignarrétt íslenska ríkisins að auðlindum hafsbotnsins.

Þórhildur Líndal var varamaður í kærunefnd greiðsluaðlögunarmála frá 2013-2016 og tók þátt í afgreiðslu mála hjá nefndinni. Þá hefur hún frá því í mars 2016 setið sem aðalmaður í úrskurðarnefnd velferðarmála. Þar úrskurðar hún í málum um foreldra- og fæðingarorlof, um greiðslur til foreldra alvarlegra eða langveikra barna og málum tengdum greiðsluaðlögun. Þá hefur hún setið í hverfiskjörstjórn vegna

forsetakosninga 2016 og alþingiskosninga 2016-2017. Hún hefur því nokkra reynslu af starfi annasamra stjórnsýslunefnda.

Þórir Örn Arnason starfaði sem deildarstjóri hjá skattstjóranum á Vesturlandi 1995-1996. Á árunum 1996-1997 starfaði umsækjandinn sem deildarstjóri í eftirlitsdeild skattstjórans á Reykjanesi. Umsækjandinn hefur því samanlagt sinnt stjórnsýslustörfum að aðalstarfi í tvö ár.

5.4.1. *Reynsla af stjórnsýslustörfum – samanburður*

Til grundvallar samanburði var lögð tímalengd aðalstarfs, það hversu góður undirbúningur undir dómastarf viðkomandi starf væri, reynsla af starfi stjórnsýslunefnda og eftir atvikum af formennsku í þeim og umfang starfs slíkra nefnda. Með vísan til framangreinds standa *Bjarnveig, Ragnheiður Elfa, Stefanía og Stefán* öðrum umsækjendum framur á þessu sviði og verður ekki gert upp á milli þeirra. Hafa þau öll sinnt stjórnsýslustörfum að aðalstarfi um árabíl og/eða átt sæti í stjórnsýslunefndum. Næst þeim koma jafnsett *Brynjólfur, Guðmundína, Hrannar, Jón Þór, Nanna og Sonja María* sem einnig hafa sinnt stjórnsýslustarfi að aðalstarfi. Á eftir þeim koma *Ásgeir og Þórir Örn* jafnir. Því næst kemur *Arnaldur*. Á eftir honum koma *Auður Björg, Bjarni, Sigurður og Valborg* og eru þau jafnsett. Næst þeim koma jöfn *Jónas og Þórhildur*. Aðrir umsækjendur hafa ekki reynslu sem skiptir hér máli, það eru *Guðfinnur, Guðmundur Örn, Hákon, Indriði, Ólafur Freyr og Sólveig*.

5.5. *Reynsla af fræðistörfum o.fl.*

5.5.1. *Kennsla á háskólastigi og önnur akademísk störf*

Arnaldur Hjartarson annaðist stundakennslu við lagadeild Háskóla Íslands frá nóvember 2009 en var ráðinn sem aðjúnkt við deildina frá 1. júlí 2013. Í upphafi árs 2014 tók hann við starfi sérfræðings við Lagastofnun Háskóla Íslands en því starfi gegndi hann fram á vor 2016, þar af í 50% starfshlutfalli frá 1. september 2015. Frá vori 2016 hefur hann gegnt starfi aðjúnkts við lagadeild Háskóla Íslands í 25% starfi. Á þessum tíma hefur hann kennt á mörgum mismunandi námskeiðum og málstofum, einkum á sviði fjármuna- og Evrópuréttar, og leiðbeint nemendum við skrif BA- og meistaraaritgerða. Auk þess sinnti hann stunda- og gestakennslu við

Háskólann á Bifröst, Ohio Northern University og Endurmenntun Háskóla Íslands. Þá starfaði hann samhliða framhaldsnámi í Yale-háskóla sem aðstoðarmaður við rannsóknir (e. research assistant). Hann hefur því gegnt stöðu við háskóla að aðalstarfi í eitt ár og átta mánuði og í 50% starfi einn vetur. Hann hefur verið stundakennari, þ.m.t. í stöðu aðjúkts, í átta ár og haft umsjón með námskeiðum.

Auður Björg Jónsdóttir hefur kennt leigurétt sem stundakennari við lagadeild Háskóla Íslands frá haustinu 2005 og kennir um fjöleignahús á haustönn 2017 við sömu deild.

Ásgeir Jónsson hefur hvorki kennt á háskólastigi né sinnt öðrum akademískum störfum en hann kenndi í tvígang námskeið í lögfræði við Fjölbautaskóla Suðurnesja.

Bjarni Lárússon hefur hvorki kennt á háskólastigi né sinnt öðrum akademískum störfum.

Bjarnveig Eiríksdóttir hefur verið aðjúknt, og áður stundakennari, í Evrópurétti við lagadeild Háskóla Íslands frá 2005 og verið prófdómari við deildina frá árinu 2003. Umfang kennslu hefur verið mismikið eftir árum. Hún hefur leiðbeint við ritun BA-ritgerða og einnar meistararitgerðar. Hún hefur jafnframt annast stundakennslu við Háskólann á Akureyri í Evrópurétti og þjóðarétti og á vegum Endurmenntunar Háskóla Íslands og kennt á námskeiði Lögmannafélags Íslands til öflunar málflytningsréttinda. Hún hefur því verið stundakennari, þ.m.t. í stöðu aðjúkts, í 12 ár.

Brynjólfur Hjartarson hefur ekki kennt á háskólastigi en hefur tvisvar verið skipaður prófdómari með BA-ritgerðum við lagadeild Háskólans á Akureyri og einu sinni við lagadeild Háskóla Íslands.

Guðfinnur Stefánsson sinnti stundakennslu við Háskólann á Bifröst í sakamálaréttarfari árin 2014 og 2015 og var prófdómari við Háskólann á Bifröst í málflytningi árin 2009-2014. Hann hefur því verið stundakennari í tvö ár.

Guðmundína Ragnarsdóttir hefur hvorki kennt á háskólastigi né sinnt annarri kennslu.

Guðmundur Örn Guðmundsson hefur hvorki kennt á háskólastigi né sinnt annarri kennslu.

Hákon Þorsteinsson hefur starfað sem stundakennari við lagadeild Háskólans á Bifröst frá árinu 2015, í fjármunarétti og inngangi að réttarfari. Hann var prófdómari við sömu lagadeild og lagadeild Háskólans í Reykjavík 2017. Hann hefur því verið stundakennari í tvö ár.

Hrannar Már Hafberg hefur sinnt kennslu við lagadeild Háskólans á Akureyri frá árinu 2009 en árin 2009-2011 var hann aðjúnkt við deildina. Þá var hann stundakennari í réttarheimspeki við lagadeild Háskóla Íslands árin 2009-2010. Hann hefur jafnframt verið leiðbeinandi nemenda við ritun lokaritgerða í BA- og meistaranámi við Háskólann á Akureyri og Háskólann í Reykjavík. Hann hefur því verið stundakennari, þ.m.t. í stöðu aðjúnkts, í átta ár.

Indriði Þorkelsson hefur hvorki kennt á háskólastigi né sinnt öðrum akademískum störfum en á árunum 1994-1999 annaðist hann og hafði umsjón með kennslu og prófum í kauparétti á námskeiðum sem haldin voru til undirbúnings löggildingu fyrir bifreiðasala.

Jón Þór Ólason hefur sinnt kennslu við lagadeild Háskóla Íslands frá haustinu 2001, fyrst sem stundakennari frá september 2001 til september 2005, síðar aðjúnkt til desember 2007 og loks sem lektor í hálfu starfi frá janúar 2008. Kennsluvið hans er refsiréttur. Auk þess hefur hann verið prófdómari í lokaverkefnum við Lögregluskólann og Endurmenntun Háskóla Íslands. Hann hefur því gegnt stöðu lektors í 50% starfi í tíu ár. Hann hefur að auki verið stundakennari, þ.m.t. í stöðu aðjúnkts, í sjö ár.

Jónas Jóhannsson sinnti stundakennslu í alþjóðlegum einkamálarétti við Háskólann í Reykjavík 2005-2006. Hann hefur flutt fyrirlestra við Háskóla Íslands og Háskólann á Akureyri. Hann hefur því sinnt stundakennslu í um það bil eitt ár.

Nanna Magnadóttir hefur hvorki kennt á háskólastigi né sinnt öðrum akademískum störfum.

Ólafur Freyr Frímannsson var stundakennari við lagadeild Háskóla Íslands og sinnti kennslu í réttarfari á árunum 2008-2014. Hann hefur því sinnt stundakennslu í sjö ár.

Ragnheiður Elfa Þorsteinsdóttir hefur frá árinu 2014 gegnt stöðu lektors við Háskólann á Akureyri. Sem lektor hefur hún haft umsjón með námskeiðum, kennt á

mörgum námskeiðum, einkum Þjóðarétt og Evrópurétt. Hún hafði áður annast stundakennslu við Háskólann á Akureyri og Háskóla Íslands 2013-2014. Hún hefur því gegnt stöðu við háskóla að aðalstarfi í rúm þrjú ár en hafði áður sinnt stundakennslu í eitt ár. Þá hefur hún verið prófdómari við lagadeildir Háskóla Íslands, Háskólans á Akureyri og Háskólans á Bifröst.

Sigurður Jónsson hefur hvorki fengist við kennslu á háskólastigi né fengist við önnur akademísk störf.

Sonja María Hreiðarsdóttir hefur hvorki sinnt kennslu á háskólastigi né öðrum akademískum störfum. Hún hefur kennt á námskeiði Lögmannafélags Íslands til öflunar málflytningaréttinda. Að auki hefur hún kennt á ýmsum námskeiðum hjá fyrirtækjum og félagasamtökum, þ.á m. um sáttamiðlun.

Sólveig Ingadóttir hefur ekki fengist við kennslu á háskólastigi en fékkst við kennslu fyrir starfsmenn dómstólanna 2014.

Stefán Erlendsson hefur hvorki kennt á háskólastigi né sinnt öðrum akademískum störfum.

Stefanía Guðrún Sæmundsdóttir hefur hvorki kennt á háskólastigi né sinnt öðrum akademískum störfum.

Valborg Steingrimsdóttir var stundakennari við lagadeild Háskóla Íslands 2010-2011. Kennslusvið hennar var umhverfis- og auðlindaréttur. Hún hefur því verið stundakennari í tvö ár.

Þórhildur Líndal hefur ekki fengist við kennslu á háskólastigi en kenndi á námskeiði fyrir starfsmenn dómstólanna 2014.

Þórir Örn Árnason var stundakennari í samninga- og skjalagerð við Háskólann í Reykjavík 2002-2003.

5.5.1.1. Kennsla á háskólastigi og önnur akademísk störf – samanburður

Við mat á umsækjendum er lagt til grundvallar að þeir sem hafa gegnt akademísku starfi að aðalstarfi hafi reynslu af öllum þáttum starfsins. Við mat á stundakennslu er horft til ábyrgðar á námskeiðum eða hluta þeirra, umfangs kennslu og tímalengdar.

Með vísan til framangreinds stendur *Jón Þór* fremstur hvað þennan þátt hæfnismats varðar en hann hefur verið lektor í hálfu starfi í tíu ár og þar áður sem stundakennari í sjö ár. Næst honum stendur *Ragnheiður Elfa* sem hefur gegnt lektorsstöðu sem aðalstarfi frá 2014. Því næst koma *Arnaldur* og *Bjarnveig* sem hafa sinnt stundakennslu við lagadeildir um árabíl, en ekki þykir ástæða til að gera greinarmun á þeim. Því næst koma *Hrannar* og *Ólafur Freyr* og verður ekki greint á milli þeirra. Næst kemur *Auður Björg* og á eftir henni koma *Ásgeir*, *Guðfinnur*, *Hákon*, *Jónas* og *Valborg*. Á eftir þeim kemur *Sonja María*. Aðrir umsækjendur, 12 talsins, standa framantöldum að baki í þessum þætti hæfnismats en þau eru *Bjarni*, *Brynjólfur*, *Guðmundína*, *Guðmundur Örn*, *Indriði*, *Nanna*, *Sigurður*, *Sólveig*, *Stefán*, *Stefanía*, *Þórhildur* og *Þórir Örn*.

5.5.2. Útgefna greinar og bækur, ritstjórn o.fl.

Arnaldur Hjartarson gaf út bókina „Evrópskur bankaréttur – og áhrif hans á íslenskan rétt“ og er hún ritrýnd. Hann hefur skrifað hátt í tíu ritrýndar fræðigreinar og bókarkafla, sumt með öðrum, og hefur stundað rannsóknarstörf. Hann hefur jafnframt gefið út óritrýndar greinar og sinnt ritstjórástörfum, m.a. fyrir Fons Juris, og haldið um tíu fyrirlestra um lögfræðileg málefni við ýmis tilefni.

Auður Björg Jónsdóttir hefur ritað tvær greinar í lögfræði og er önnur þeirra ritrýnd. Þá hefur hún tvisvar sinnum flutt erindi á Þjóðarspeglinum.

Ásgeir Jónsson tilgreinir hvorki í umsókn sinni útgefna bækur né greinar í lögfræði.

Bjarni Lárusson tilgreinir hvorki í umsókn sinni útgefna bækur né greinar í lögfræði.

Bjarnveig Eiríksdóttir hefur ritað tvær greinar um lögfræðileg málefni en önnur þeirra er ritrýnd og hin rituð ásamt meðhöfundum. Hún hefur skrifað blaðgreinar og haldið fjölmarga fyrirlestra og námskeið, einkum á sviði EES-réttar og sem formaður endurskoðendaráðs.

Brynjólfur Hjartarson tilgreinir hvorki í umsókn sinni útgefna bækur né greinar í lögfræði.

Guðfinnur Stefánsson tilgreinir hvorki í umsókn sinni útgefnar bækur né greinar í lögfræði.

Guðmundína Ragnarsdóttir tilgreinir hvorki í umsókn sinni útgefnar bækur né greinar í lögfræði.

Guðmundur Örn Guðmundsson tilgreinir hvorki í umsókn sinni útgefnar bækur né greinar í lögfræði.

Hákon Þorsteinsson tilgreinir hvorki í umsókn sinni útgefnar bækur né greinar í lögfræði.

Hrannar Már Hafberg hefur skrifað eina óritrýnda grein og hefur setið í ritrýningnefnd Lögfræðings frá árinu 2009. Að auki hefur hann flutt fyrirlestra tengda ýmsum lögfræðilegum álitamálum.

Indriði Þorkelsson tilgreinir hvorki í umsókn sinni útgefnar bækur né greinar í lögfræði.

Jón Þór Ólason hefur birt sex óritrýndar fræðigreinar en ein birtist áður en ritrýni var almennt tekin upp. Hann hefur flutt fjölda fyrirlestra á ráðstefnum og málþingum.

Jónas Jóhannsson hefur skrifað tvær greinar í lögfræði, þar af er önnur ritrýnd og hin birtist áður en ritrýni var almennt tekin upp. Auk þess hefur hann ritað tvo pistla. Hann hefur haldið nokkra fyrirlestra um lögfræðileg efni.

Nanna Magnadóttir hefur birt eina grein í lögfræðitímariti og haldið nokkra fyrirlestra um lögfræðileg efni hérlendis og erlendis. Á árunum 2009-2010 var hún meðritstjóri *Balticness*, tímarits Eystrasaltsráðsins.

Ólafur Freyr Frímansson tilgreinir hvorki í umsókn sinni útgefnar bækur né greinar í lögfræði en hann sat í stjórn Bókaútgáfunnar Codex 2007-2014.

Ragnheiður Elfa Þorsteinsdóttir hefur ritað fimm greinar um lögfræði og eru tvær ritrýndar. Hún hefur einnig haft umsjón ásamt öðrum með útgáfu og þýðingu Genfarsamninganna á íslensku. Þá hefur hún flutt nokkur erindi um lögfræðileg álitaefni.

Sigurður Jónsson tilgreinir hvorki í umsókn sinni útgefnar bækur né greinar í lögfræði.

Sonja María Hreiðarsdóttir tilgreinir hvorki í umsókn sinni útgefnar bækur né greinar í lögfræði en hefur haldið fyrirlestra um lögfræðileg málefni, m.a. hjá ýmsum fyrirtækjum og félagasamtökum.

Sólveig Ingaóttir tilgreinir hvorki í umsókn sinni útgefnar bækur né greinar í lögfræði.

Stefán Erlendsson tilgreinir hvorki í umsókn sinni útgefnar bækur né greinar í lögfræði.

Stefanía Guðrún Sæmundsdóttir tilgreinir hvorki í umsókn sinni útgefnar bækur né greinar í lögfræði.

Valborg Steingrimsdóttir tilgreinir hvorki í umsókn sinni útgefnar bækur né greinar í lögfræði. Þó flutti hún erindi á Háskólasetri Vestfjarða um nýtingu auðlinda hafsbotsins.

Þórhildur Línadal tilgreinir hvorki í umsókn sinni útgefnar bækur né greinar í lögfræði.

Þórir Örn Árnason er höfundur bókarinnar „Samningar og skjöl“.

5.5.2.1. *Útgefnar greinar og bækur, ritstjórn o.fl. – samanburður*

Eins og að framan greinir er við mat á þessum þætti fyrst og fremst horft til ritrýnds efnis og framlags til lögfræðinnar sem fræðigreinar, fjölda greina og bóka eða bókarkafla. Efni er að meginstefnu til metið einu sinni, jafnvel þótt það hafi verið gefið út eða kynnt á fleiri en einum vettvangi. Þá eru greinar byggðar á námsritgerðum ekki metnar sérstaklega nú, fremur en áður.

Arnaldur hefur einn umsækjenda ritað ritrýnda bók og fjölda ritrýndra fræðigreina, einkum á sviði Evrópuréttar, fjármunaréttar, réttarhagfræði, mannréttinda og stjórnsýsluréttar, að hluta ásamt öðrum, og er það mikilsvert framlag til íslenskrar lögfræði. Framlag hans felst einkum í bókinni „Evrópskur bankaréttur og áhrif hans á íslenskan rétt.“ Bókin er sú fyrsta sem gefin er út hér á landi um áhrif evrópsks bankaréttar á íslenskan rétt. Í bókinni er greinargóð umfjöllun um reglur Evrópusambandsins um bankastarfsemi, lagasamræmingu sem á sér stað á vettvangi sambandsins varðandi þetta réttarsvið og gerð er grein fyrir þeim álitaeftum sem íslensk og norsk stjórnvöld standa frammi fyrir vegna aðildar

að EES-samningnum. Inn í umfjöllunina fléttast yfirlit um fjármálaeftirlit og framkvæmd þess á Íslandi. Ályktanir í lok bókarinnar eru skýrar og sannfærandi og endurspeglar víðtæka þekkingu höfundar á viðfangsefninu. Að þessu virtu stendur *Arnaldur* langt framur öðrum umsækjendum í þessum þætti. Næst honum koma *Jón Þór* og *Ragnheiður Elfa* sem bæði hafa birt greinar sem telja verður framlag til fræðanna. Greinar Jóns Þórs eru á sviði refsiréttar en Ragnheiðar Elfu á sviði mannréttinda og Evrópuréttar. Þá kemur *Bjarnveig* og næst henni *Jónas*. *Bjarnveig* hefur nýlega birt ritrýnda grein á sviði Evrópuréttar auk þess að hafa áður gefið út grein með öðrum á sama sviði. Að mati dómnefndar er fyrrnefnda greinin ótvírætt framlag til fræðanna. Greinar Jónasar eru á sviði barnaréttar og lýsa reynslu dómara af álitaefnum á þessu sviði. Þá kemur *Auður Björg* sem hefur gefið út eina ritrýnda grein á sviði fjármunaréttar og *Þórir Örn*, sem gefið hefur út óritrýnda formálabók, og verður ekki gert upp á milli þeirra. Næst kemur *Nanna* með eina grein á sviði Evrópuréttar. Loks hefur *Valborg* birt grein um umhverfisrétt ásamt meðhöfundum. Aðrir umsækjendur tilgreina ekki störf af þessum toga en þeir eru *Ásgeir*, *Bjarni*, *Brynjólfur*, *Guðfinnur*, *Guðmundína*, *Guðmundur Örn*, *Hákon*, *Hrannar*, *Indriði*, *Ólafur Freyr*, *Sigurður*, *Sonja María*, *Sólveig*, *Stefán*, *Stefanía* og *Þórhildur*.

5.6. Reynsla af stjórnun

Arnaldur Hjartarson hefur starfað sem aðstoðarmaður við EFTA-dómstólinn síðan í september 2015 og hann áætlað að um 20% starfa hans þar teljist til stjórnunar. Hann hefur setið í stjórn Réttarhagfræðifélags Íslands frá desember 2016.

Auður Björg Jónsdóttir hefur verið formaður kærunefndar húsamála frá árinu 2013. Hún sat í stjórn ALM verðbréfa hf. frá árinu 2010 til loka árs 2014 og Félagskvemma í lögmennsku frá 2010-2013 en hún gegndi þar formennsku frá 2012.

Ásgeir Jónsson gegndi starfi gjaldheimtustjóra Suðurnesja í tvö og hálf ár og rak eigin lögfræðistofu í tæp 15 ár. Hann sat í stjórn Háskólabíós 1985-1987 og var formaður umsjónarnefndar fólksbifreiða á Suðurnesjum frá 1999-2002.

Bjarni Lárusson rak eigin lögmannsstofu á árunum 1995-2005.

Bjarnveig Eiríksdóttir hefur verið sjálfstætt starfandi lögmaður frá árinu 2007. Frá 1996-2003 var hún staðgengill skrifstofustjóra á lagaskrifstofu ESA í Brussel. Hún

hefur verið formaður málskotsnefndar LÍN frá árinu 2010, var formaður endurskoðendaráðs 2009-2013 og varamaður í stjórn ESA 2007-2013. Þá sat hún í stjórn Félags kvenna í lögmennsku 2008-2009.

Brynjólfur Hjartarson hefur ekki reynslu af stjórnunarstörfum.

Guðfinnur Stefánsson var yfirmaður hraðsendingardeildar UPS á Íslandi hjá TVG Zimsen 2000-2003.

Guðmundína Ragnarsdóttir hefur verið sjálfstætt starfandi lögmaður frá upphafi árs 2011 en á árunum 2005 til 2010 starfaði hún sem framkvæmdastjóri Kollektta hf. Hún var varaformaður Golfklúbbsins Odds á Urriðavelli í rúm átta ár, er varaformaður aganefndar klúbbsins og var formaður kvennanefndar klúbbsins í nær átta ár. Hún er jafnframt formaður aganefndar Golfsambands Íslands.

Guðmundur Örn Guðmundsson hefur verið sjálfstætt starfandi lögmaður frá febrúar 1995 og verið framkvæmdastjóri fasteignafélagsins Opinn hugur ehf. frá árinu 2005 en lítil starfsemi er í félaginu.

Hákon Þorsteinsson er formaður Félags löglærðra aðstoðarmanna dómara.

Hrannar Már Hafberg var formaður rannsóknarnefndar Alþingis um rannsókn á aðdraganda og orsökum erfiðleika og falls sparisjóðanna 2012-2014. Um tíma starfaði á sjötta tug manna fyrir nefndina en formaður stýrði verkefnum hennar. Hann gegndi stöðu yfirlögfræðings hjá Fiskistofu 2015-2017. Hann var varaformaður Félags löglærðra aðstoðarmanna dómara árin 2008-2011 en formaður þess árin 2011-2013. Þá átti hann sæti í stjórn Félags áhugamanna um heimspeki 2006-2009 og í stjórn Heimspekistofnunar Háskóla Íslands 1998-1999.

Indriði Þorkelsson var sjálfstætt starfandi lögmaður 1985-1999 og hefur nokkrum sinnum tekið að sér fundarstjórn á aðalfundum hlutafélaga og annarra félaga.

Jón Þór Ólason er skipaður varamaður í stjórn fiskræktarsjóðs. Hann hefur setið í stjórn rannsóknarstofu í refsirétti og afbrotafræði við Lagastofnun Háskóla Íslands frá 2007. Á meðan hann starfaði í dóms- og kirkjumálaráðuneytinu gegndi hann formennsku í átta nefndum og einum starfshópi á vegum ráðuneytisins.

Jónas Jóhannsson var dómstjóri Héraðsdóms Vestfjarða í rúm sex ár frá 1992-1998.

Nanna Magnadóttir var skrifstofustjóri Héraðsdóms Reykjavíkur í rúmt hálf t ár. Hún var aðstoðarforstöðumaður og síðar forstöðumaður skrifstofu Evrópuráðsins í Kósóvó í sem næst þrjú ár. Þá stýrði hún svæðisáætlun UNIFEM í Serbíu í rúmlega eitt og hálf t ár. Hún var formaður vinnuhóps um vefsíðu fyrir héraðsdómstólana og dómstólaráð. Þá hefur hún gegnt starfi forstöðumanns og formanns úrskurðarnefndar umhverfis- og auðlindamála í tæp fjögur ár.

Ólafur Freyr Frímansson sat í stjórn Bókaútgáfunnar Codex á árunum 2007-2014.

Ragnheiður Elfa Þorsteinsdóttir var yfirlögfræðingur í umhverfisráðuneytinu 1995-1998, staðgengill sendiherra í Sendiráði Íslands í Brussel 2008-2009 og formaður samningahóps um byggðamál 2009-2013. Þá hefur hún verið í stjórn Alþjóðlegu tónlistarakademíunnar í Hörpu og formaður stjórnar bókaútgáfunnar Bjarts og Veraldar frá árinu 2013. Auk þess hefur hún setið í stjórn Tryggingamiðstöðvarinnar frá 2015. Þá hefur stjórnun verið fastur þáttur í starfi hennar sem fastráðin háskólakennari, þar að auki hefur hún verið brautarstjóri framhaldsnáms í lögfræði við Háskólann á Akureyri frá árinu 2015.

Sigurður Jónsson var starfsmannastjóri Sláturfélags Suðurlands á Selfossi 1988-1989 og hefur stofnað og staðið fyrir rekstri þriggja lögmannsstofa þar sem hann hefur haft mannaforráð. Hann var stjórnarformaður Eyvindartungu ehf. árin 2001-2010, stjórnarformaður í Landssamtökum raforkubænda á Íslandi árin 2005-2010 og hefur verið stjórnarmaður Landssamtaka landeigenda á Íslandi frá árinu 2009.

Sonja María Hreiðarsdóttir rak eigin lögmannsstofu frá 2007-2016. Hún sat í stjórn fræðslu- og símenntunarsjóðs Eflingar og ríkisins 2001-2006, í stjórn Ríkismenntar 2005-2006 og var stjórnarmaður í Bankasýslu ríkisins 2009-2011.

Sólveig Ingadóttir sat í stjórn Félags löglærðra aðstoðarmanna dómara 2011-2015, fyrst sem varaformaður og síðar sem formaður. Nú er hún varaformaður félagsins.

Stefán Erlendsson hefur gegnt stjórnunarstörfum hjá Vegagerðinni frá árinu 1997. Frá 1997-2004 var hann forstöðumaður lögfræði- og starfsmannadeildar, frá 2004-2016 forstöðumaður lögfræðideildar og framkvæmdastjóri stoðsviðs 2016-2017.

Stefanía Guðrún Sæmundsdóttir sat þrisvar í hverfiskjörstjórn 1994-1998, tvisvar við sveitarstjórnarkosningar og einu sinni við alþingiskosningar.

Valborg Steingrimsdóttir sat í stjórn Stéttarfélags lögfræðinga 2013-2017.

Þórhildur Líndal hefur þrisvar setið í hverfiskjörstjórn, við forsetakosningar 2016 og alþingiskosningar 2016 og 2017.

Þórir Örn Árnason starfaði sem deildarstjóri í eftirlitsdeild hjá skattstjóranum á Reykjanesi 1996-1997 og var sjálfstætt starfandi lögmaður 1999-2005. Hann var forstöðumaður lögfræðiinnheimtu og fullnustueigna Íslandsbanka 2005-2015 og 2015-2016 var hann sjálfstætt starfandi lögmaður og ráðgjafi. Hann hefur frá árinu 2016 rekið Myntu ehf., lögmannsstofu og innheimtufyrirtæki. Þá var hann varaformaður knattspyrnudeildar Fylkis 2004-2007 og varaformaður aðalstjórnar Fylkis 2010-2013.

5.6.1. *Reynsla af stjórnun – samanburður*

Í þessum þætti er um að ræða samanburð á reynslu umsækjenda af viðfangsefnum af margvíslegum toga. Þar reynir á að veða saman tímallengd, vægi viðfangsefnanna og að í mjög mörgum tilvikum eru þau unnin samhliða öðru starfi og einnig innan sama tímaramma.

Þórir Örn og *Nanna* hafa bæði gegnt annasömum stjórnunarstörfum að aðalstarfi um all langan tíma og er það mat dómnefndarinnar að þau standi öðrum umsækjendum framur í þessum þætti hæfnismats. Næst þeim koma jöfn *Guðmundína*, *Guðmundur Örn*, *Hrannar* og *Stefán* sem öll hafa sinnt stjórnunarstörfum að aðalstarfi þótt þau séu af ólíkum toga. Þar á eftir koma *Auður Björg*, *Ásgeir*, *Bjarnveig*, *Jónas*, *Ragnheiður Elfa*, *Sigurður* og *Sonja María* og eru þau jafnsett. Í kjölfarið koma jafnir *Arnaldur*, *Bjarni*, *Guðfinnur* og *Jón Þór*. Aðrir umsækjendur hafa litla eða enga stjórnunarreynslu en það eru *Brynjólfur*, *Hákon*, *Indriði*, *Ólafur Freyr*, *Sólveig*, *Stefanía*, *Valborg* og *Þórhildur* og þykir ekki ástæða til að gera upp á milli þeirra.

5.7. *Reynsla af öðrum störfum sem nýtast dómarnefni o.fl.*

Arnaldur Hjartarson var skipaður í þriggja manna sérfræðingahóp stjórnarskrárnefndar í apríl 2015. Hópnum var falið að semja tillögu að

stjórnarskrárbreytingu varðandi meðferð valdheimilda ríkisins í samstarfi við aðrar þjóðir ásamt því að veita stjórnarskrárnefnd ráðgjöf á þessu sviði. Haustið 2014 sat umsækjandinn í nefnd sem ætlað var að endurskoða lög nr. 28/1998 um verslunaratvinnu og semja frumvarp til breytinga á þeim lögum. Árin 2008-2009 sat umsækjandinn í nefnd viðskiptaráðherra sem falið var að semja frumvarp til laga um ökutryggingar sem kæmi í stað XIII. kafla umferðarlaga nr. 50/1987.

Auður Björg Jónsdóttir hefur ekki reynslu af öðrum aukastörfum sem nýttast dómaraefni.

Ásgeir Jónsson hefur ekki reynslu af öðrum aukastörfum sem nýttast dómaraefni.

Bjarni Lárusson vann við reglulega uppfærslu lagatexta Lagasafns á árunum 1992-1999.

Bjarnveig Eiríksdóttir var í nefnd um málefni endurskoðenda sem fór yfir lög og reglur sem gilda um endurskoðendur og skilaði skýrslu í janúar 2011. Þá sat hún í nefnd sem kannaði lögmati kaupa Magma á eignarhlutum í HS Orku. Nefndin skilaði skýrslu í september 2010. Þá situr hún einnig í sérfræðingahópi FreSso sem vinnur sem verktaki fyrir framkvæmdastjórn ESB.

Brynjólfur Hjartarson var skipaður eftirlitsmaður innanríkisráðuneytisins með talnagetraunum Íslenskrar getspár frá apríl 2011 til febrúar 2017.

Guðfinnur Stefánsson hefur ekki reynslu af öðrum aukastörfum sem nýttast dómaraefni.

Guðmundína Ragnarsdóttir hefur ekki reynslu af öðrum aukastörfum sem nýttast dómaraefni.

Guðmundur Örn Guðmundsson hefur ekki reynslu af öðrum aukastörfum sem nýttast dómaraefni.

Hákon Þorsteinsson hefur ekki reynslu af öðrum aukastörfum sem nýttast dómaraefni.

Hrannar Már Hafberg hefur ekki reynslu af öðrum aukastörfum sem nýttast dómaraefni.

Indriði Þorkelsson hefur ekki reynslu af öðrum aukastörfum sem nýttast dómaraefni.

Jón Þór Ólason gegndi áfram störfum fyrir dómsmálaráðuneytið, eftir starfslok, í ýmsum alþjóðlegum nefndum tengdum alþjóðlegri réttaraðstoð til ársins 2007, auk þess sem hann sat í happdrættisráði SÍBS til 2009.

Jónas Jóhannsson var fulltrúi Dómarafélags Íslands 2002-2012 á Haag-ráðstefnunni um alþjóðlegan einkamálarétt vegna framkvæmdar Haag-samningsins um einkaréttarleg áhrif af brottnámi barna til flutnings milli landa og stofnmeðlimur í The International Hague Network of Judges. Hann var og fulltrúi Dómarafélagsins í samnorrænni nefnd á sviði fjölskylduréttar árin 2003-2008.

Nanna Magnadóttir hefur tekið þátt í vinnu við ýmiss konar reglur í störfum sínum, m.a. fyrir UNIFEM. Frá janúar 2005 til apríl 2006 starfaði hún á skrifstofu Evrópuráðsins í Kósóvó sem aðstoðarforstöðumaður og lögfræðilegur ráðgjafi. Eftir það tók hún við starfi forstöðumanns og ráðgjafa svæðisáætlunar UNIFEM fyrir Suðaustur-Evrópu í Serbíu í rúmlega eitt og hálf ár. Hún starfaði síðan aftur fyrir Evrópuráðið í Kósóvó í tæplega tvö ár og þá sem forstöðumaður skrifstofu þess. Í framangreindum störfum hennar reyndi m.a. á alþjóðlegar og evrópskar mannréttindareglur og Evrópurétt. Þá starfaði hún í fjögur ár, frá 2009, sem aðalráðgjafi Eustrasaltsráðsins í Stokkhólmi.

Ólafur Freyr Frímannsson hefur ekki reynslu af öðrum aukastörfum sem nýtast dómaraefni.

Ragnheiður Elfa Þorsteinsdóttir hefur ekki reynslu af öðrum aukastörfum sem nýtast dómaraefni.

Sigurður Jónsson hefur ekki reynslu af öðrum aukastörfum sem nýtast dómaraefni.

Sonja María Hreiðarsdóttir hefur ekki reynslu af öðrum aukastörfum sem nýtast dómaraefni.

Sólveig Ingadóttir hefur ekki reynslu af öðrum aukastörfum sem nýtast dómaraefni.

Stefán Erlendsson sat í starfshópi innanríkisráðuneytisins um endurskoðun reglugerða á samgöngusviði 2013, var ritari nefndar sem samdi frumvarp til nýrra vegalaga 2007, var fulltrúi í nefnd um samningu frumvarps til girðingarlaga árið 2000 og fulltrúi í nefnd um búfé á vegsvæðum 1998.

Stefanía Guðrún Sæmundsdóttir sat sem fulltrúi lögreglustjóra í samráðshópi á vegum dóms- og kirkjumálaráðuneytisins við samningu frumvarps að lögum nr. 20/2004 um breytingu á lögum um útlendinga. Þá fór hún fyrir starfshópi ríkissaksóknara sem samdi siðareglur fyrir ákærendur.

Valborg Steingrímsdóttir starfaði sem lögfræðingur fyrir Stjórnlagaráð um tveggja mánaða skeið árið 2011.

Þórhildur Líndal hefur ekki reynslu af öðrum aukastörfum sem nýttast dómaraefni.

Þórir Örn Árnason hefur ekki reynslu af öðrum aukastörfum sem nýttast dómaraefni.

5.7.1. *Reynsla af öðrum störfum sem nýttast dómaraefni o.fl. – samanburður*

Reynsla umsækjenda af öðrum störfum er eðli málsins samkvæmt bæði mismikil og afar mismunandi. Við mat verður m.a. að líta til þess hvort umsækjandi hafi unnið störf sem telja verður nytsamlegan undirbúning fyrir dómaraastörf en hafa ekki verið metin að verðleikum í öðrum þáttum mats hér að framan. Með öðrum orðum störf sem unnin eru til viðbótar aðalstarfi. Þar getur verið um að ræða reynslu af lagasetningu, úr alþjóðastarfi á stjórnarsýslustigi eða annað.

Nanna hefur gegnt umfangsmiklum verkefnum á alþjóðavettvangi, þar á meðal við undirbúning reglna á vegum UNIFEM og Evrópuráðsins og stendur hún framur öðrum umsækjendum hvað þennan þátt matsins snertir. Næstur henni kemur *Stefán* sem m.a. hefur tekið þátt í samningu frumvarpa á sviði vegamála. Á eftir honum koma *Arnaldur* og *Bjarnveig* jafnsett. *Arnaldur* var í sérfræðingahópi á vegum stjórnarskrárnefndar og vann við undirbúning löggjafar á tveimur mismunandi réttarsviðum. *Bjarnveig* vann að undirbúningi reglna um starfsábyrgðartryggingar endurskoðenda, auk annars. Þá kemur *Bjarni* sem vann við uppfærslu lagasafns um árabíl. Honum næst með minni reynslu standa *Jón Þór*, *Jónas* og *Stefanía* og eru þau jafnsett. Þeim næst stendur *Valborg* og því næst *Brynjólfur*. Aðrir umsækjendur, *Auður Björg*, *Ásgeir*, *Guðfinnur*, *Guðmundína*, *Guðmundur Örn*, *Hákon*, *Hrannar*, *Indriði*, *Ólafur Freyr*, *Ragnheiður Elfa*, *Sigurður*, *Sonja María*, *Sólveig*, *Þórhildur* og *Þórir Örn* hafa ekki reynslu sem skiptir máli hér.

5.8. Almenn starfshæfni og andlegt atgeroi

Í 3. tölulið 4. gr. reglna nr. 620/2010 segir að við mat á almenntri starfshæfni skuli litið til þess hvort umsækjandi hafi sýnt sjálfstæði, óhlutdrægni, frumkvæði og skilvirkni í starfi og hvort hann eigi auðvelt með skilja aðalatriði frá aukaatriðum. Þá kemur fram að umsækjandi skuli hafa góða þekkingu á íslensku máli og eiga auðvelt með að tjá sig í ræðu og riti. Enn fremur er tekið fram í 5. tölulið 4. gr. reglnanna að umsækjandi þurfi að eiga auðvelt með mannleg samskipti, bæði við samstarfsmenn og þá sem erindi eiga við hann. Gerð sé krafa um að af umsækjanda fari gott orð bæði í fyrri störfum og utan starfa og að reglusemi hans sé í engu ábótavant.

Í auglýsingu um hið lausa dómaraembætti var óskað eftir því að umsækjendur tilnefndu tvo meðmælendur. Í 5. gr. reglna nr. 620/2010 kemur fram að dómnefnd geti aflað vitneskju um starfsferil umsækjanda hjá fyrri vinnuveitendum hans og öðrum sem átt hafi samskipti við umsækjanda vegna starfa hans.

Dómnefndin tók mið af umsögnum þeirra er umsækjendur höfðu tilnefnt sem meðmælendur. Páll Hreinsson, dómari við EFTA-dómstólinn, og Þorgeir Örlygsson, forseti Hæstaréttar, gáfu umsögn um Arnald Hjartarson. Valtýr Sigurðsson, hrl., og Sigurður Helgi Guðjónsson, hrl., gáfu umsögn um Auði Björgu Jónsdóttur. Bjarni Þór Óskarsson, hrl., og Eiríkur Tómasson, fyrrverandi hæstaréttardómari, gáfu umsögn um Ásgeir Jónsson. Markús Sigurbjörnsson, hæstaréttardómari, og Jón Haukur Hauksson, aðstoðarsaksóknari, gáfu umsögn um Bjarna Lárusson. Ásta Magnúsdóttir, ráðuneytistjóri í mennta- og menningarmálaráðuneytinu, og Ólafur Ólafsson, formaður yfirskattanefndar, gáfu umsögn um Bjarnveigu Ingólfsdóttur. Bryndís Helgadóttir, skrifstofustjóri í dómsmálaráðuneytinu, og Ingilín Kristmannsdóttir, skrifstofustjóri í samgöngu- og sveitarstjórnarráðuneytinu, gáfu umsögn um Brynjólf Hjartarson. Allan Vagn Magnússon, fyrrverandi dómstjóri við Héraðsdóm Vesturlands, og Ásgeir Magnússon, dómstjóri við Héraðsdóm Vesturlands, gáfu umsögn um Guðfinn Stefánsson. Hjalti Steinþórsson, hrl., og Þórdís Bjarnadóttir, hrl., gáfu umsögn um Guðmundínu Ragnarsdóttur. Björgvin Jónsson, hrl., og Jón Auðunn Jónsson, hrl., gáfu umsögn um Guðmund Örn Guðmundsson. Gunnar Aðalsteinsson, dómstjóri við Héraðsdóm Reykjaness, og

Þorgeir Ingi Njálsson, settur umboðsmaður Alþingis, gáfu umsögn um Hákon Þorsteinsson. Helgi I. Jónsson, hæstaréttardómari, og Helgi Bernódusson, skrifstofustjóri Alþingis, gáfu umsögn um Hrannar Má Hafberg. Lárus L. Blöndal, hrl., og Edda Björk Andradóttir, hrl., gáfu umsögn um Indriða Þorkelsson. Ragnheiður Bragadóttir, prófessor við lagadeild Háskóla Íslands, og Hróbjartur Jónatansson, hrl., gáfu umsögn um Jón Þór Ólason. Gestur Jónsson, hrl., og Helgi I. Jónsson, hæstaréttardómari, gáfu umsögn um Jónas Jóhannsson. Aðalheiður Jóhannsdóttir, prófessor og deildarforseti lagadeildar Háskóla Íslands, og Friðgeir Björnsson, fyrrverandi dómstjóri við Héraðsdóm Reykjavíkur, gáfu umsögn um Nönnu Magnadóttur. Gestur Jónsson, hrl., og Hörður Felix Harðarson, hrl., gáfu umsögn um Ólaf Frey Frímansson. Stefán Haukur Jóhannesson, sendiherra, og dr. Lars Gunnar Lundsten, forseti hug- og félagsvísindasviðs Háskólans á Akureyri, gáfu umsögn um Ragnheiði Elfu Þorsteinsdóttur. Ólafur Björnsson, hrl., og Ingibjörg Ólöf Vilhjálmsdóttir, hdl., gáfu umsögn um Sigurð Jónsson. Björn Jóhannesson, hrl., og Jóhannes Karl Sveinsson, hæstaréttarlögmaður, gáfu umsögn um Sonju Maríu Hreiðarsdóttur. Hjörtur Ottó Aðalsteinsson, dómstjóri við Héraðsdóm Suðurlands, og Ragnheiður Thorlacius, dómari við Héraðsdóm Suðurlands, gáfu umsögn um Sólveigu Ingadóttur. Gunnar Gunnarsson, hrl., og Hreinn Haraldsson, forstjóri Vegagerðarinnar, gáfu umsögn um Stefán Erlendsson. Sigríður J. Friðjónsdóttir, ríkissaksóknari, og Steinunn Guðbjartsdóttir, hrl., gáfu umsögn um Stefaníu Guðrúnu Sæmundsdóttur. Hervör Þorvaldsdóttir, forseti Landsréttar, og Skúli Magnússon, dómari við Héraðsdóm Reykjavíkur, gáfu umsögn um Valborgu Steingrímsdóttur. Lára Sverrisdóttir, nefndarmaður í úrskurðarnefnd velferðarmála, og Arnfríður Einarsdóttir, dómari við Héraðsdóm Reykjavíkur, gáfu umsögn um Þórhildi Líndal. Hörður Felix Harðarson, hrl., og Tómas Sigurðsson, yfirlögfræðingur Íslandsbanka, gáfu umsögn um Þóri Örn Árnason.

Dómnefndin hefur haft umsagnir þessara meðmælenda, sem almennt eru jákvæðar í garð hlutaðeigandi umsækjenda, til hliðsjónar við mat sitt. Af umsögnunum og athugunum nefndarinnar verður ráðið að allir umsækjendur uppfylli þær lágmarkskröfur sem gera verður samkvæmt 3. og 5. tölulið 4. gr. reglna

nr. 620/2010. Einnig kom þar fram að reglusemi umsækjenda væri ekki ábótavant að því marki sem viðkomandi gátu vitnað um.

5.9. Sérstök starfshæfni

Í 4. tölulið 4. gr. reglna nr. 620/2010 segir að mikilvægt sé að umsækjandi hafi einkamála- og sakamálaréttarfar á valdi sínu og geti farið að fyrirmælum laga um samningu dóma og ritað þá á góðu máli. Hann verður að geta stjórnað þinghöldum af röggsemi og sanngirni og afgreitt þau mál sem honum eru fengin, bæði fljótt og af öryggi. Í kafla 5.2.1. var metin reynsla af dómstörfum og gerður samanburður á milli umsækjenda. Í því fólst m.a. mat á starfsreynslu, kunnáttu og reynslu í stjórn þinghalda og samningu dóma. Þá hefur verið litið til samningar úrskurða umsækjenda með stjórnarsýslureynslu sem og stefna, greinargerða og álitsgerða umsækjenda úr hópi lögmannna, sbr. kafla 5.3.1. og 5.4.1. Koma þeir þættir því ekki aftur til skoðunar.

Við mat á kunnáttu/hæfni í réttarfari hafa allir umsækjendur greint frá störfum sem geta fallið hér undir en reynsla þeirra er aftur á móti mismikil á einstökum sviðum réttarfars. Dómnefnd telur að þegar metið er hvort umsækjandi hafi einkamála- og sakamálaréttarfar á valdi sínu skipti einkum máli reynsla af dóms- og málflutningsstörfum auk hugsanlegs framlags í formi kennslu, fræðiskrifa eða samningar lagafrumvarpa á sviði réttarfars. Nefndin telur einnig eðlilegt að horfa til reynslu umsækjenda af öðrum sviðum réttarfars. Í einhverjum tilvikum getur verið um að ræða aukastörf samhliða aðalstarfi en aðallega verður horft til reynslu viðkomandi þar sem unnin hafa verið störf þar sem reynir á þekkingu í réttarfari. Við mat á þessum þætti er horft til þess sem fjallað hefur verið um í köflum 5.2.–5.7. að kafla 5.6. undanskildum.

Við mat samkvæmt þessum kafla er tekið tillit til þess hversu mikla reynslu umsækjandi hefur af réttarfari, svo og hvort reynsla umsækjandans er takmörkuð við eitt eða tvö svið eða er alhliða. Einnig er horft til þess ef umsækjandi hefur mjög mikla reynslu á ákveðnu sviði.

Vegna áralangrar starfsreynslu við lögmennsku og dómstóla standa *Ásgeir, Bjarni, Indriði, Jónas* og *Sigurður* öðrum umsækjendum framar í þessum þætti

hæfnismatsins og er ekki ástæða til þess að gera upp á milli þeirra. Á eftir þeim koma jafnsett *Arnaldur, Auður Björg, Guðfinnur, Guðmundína, Hákon, Hrannar, Jón Þór, Ólafur Freyr, Sonja María, Sólveig, Stefanía, Valborg, Þórhildur* og *Þórir Örn*. Aðrir umsækjendur hafa litla eða smávægilega reynslu af réttarfari en það eru *Bjarnveig, Brynjólfur, Guðmundur Örn, Nanna, Ragnheiður Elfa* og *Stefán*.

6. Niðurstaða dómnefndar

Eins og ljóst er af framansögðu er markmiðið með störfum núverandi dómnefndar að komast að niðurstöðu um hverjir af 25 umsækjendum séu hæfastir til þess að gegna því héraðsdómaraembætti sem veita á. Að framan hefur verið fjallað sérstaklega um þau sjónarmið, sem mælt er fyrir um í 4. gr. reglna nr. 620/2010, sem settar eru samkvæmt lögum um dómstóla nr. 15/1998. Sjónarmiðin hafa samkvæmt eðli máls og orðalagi laganna og reglnanna mismunandi vægi innbyrðis þótt þau séu öll mikilvæg og ekkert eitt þeirra getur ráðið niðurstöðu án tillits til hinna. Samkvæmt ákvæðum laga nr. 15/1998, reglna nr. 620/2010 og meginreglum stjórnarsýsluréttar ber að reisa niðurstöður á heildstæðu mati samkvæmt málefnalegum sjónarmiðum.

Umtalsverður hluti starfs dómnefndar fólst í allitarlegum viðtölum við alla umsækjendur. Ákvæði laga nr. 15/1998, reglna nr. 620/2010, meginreglur stjórnarsýsluréttar og hefðbundið vinnulag dómnefndar a.m.k. frá 2010 krefjast þess að matsþættir sem tilteknir eru í reglum nr. 620/2010 séu greindir af eins mikilli nákvæmni og unnt er. Þrátt fyrir þetta hlýtur matið einnig að byggjast á lögfræðilegri þekkingu nefndarmanna, reynslu þeirra af dómstörfum við dómstóla, í lögmennsku og stjórnarsýslu og dómgreind þeirra. Nefndarmönnum er ljós skylda þeirra til þess að vinna samkvæmt reglunum til þess að allir umsækjendur njóti fullrar sanngirni. Þótt þættir séu metnir samviskusamlega breytir það því ekki að slíkt mat verður ekki unnið af vélrænni nákvæmni og þýðingarlaust að láta sem svo sé.

Í samræmi við grundvöllinn sem lagður er í lögum nr. 15/1998, reglum nr. 620/2010 og fyrri störfum dómnefndar samkvæmt lögnum skiptir mestu máli að umsækjendur hafi til að bera almenna og víðtæka lögfræðilega menntun, þekkingu

og færni. Við mat á því að hve miklu leyti starfsreynsla umsækjenda nýtist í störfum héraðsdómara skiptir mestu máli að þeir búi yfir staðgóðri reynslu af dómstörfum, lögmannsstörfum og þeim stjórnsýslustörfum sem lúta að úrlausn ágreiningsmála. Einnig skiptir máli hvort þau verkefni sem umsækjendur hafa fengist við séu fjölbreytileg, svo sem hvort þeir hafi reynslu af því að beita réttarreglum á ólíkum sviðum lögfræði. Reynslan af fyrstu starfsárunum í hverju starfi vegur að öðru jöfnu tiltölulega þyngst í þessu sambandi þannig að síður er ástæða til að gera upp á milli umsækjenda með langa starfsreynslu að baki þótt einn þeirra hafi gegnt starfi nokkru lengur en annar.

Nefndarmenn hafa kynnt sér ítarlega umsóknir, ferilskrár, innsend gögn umsækjenda og opinberar upplýsingar og er álitid mjög byggt á því sem þar kemur fram. Nefndarmenn telja að heildstætt mat byggt á málefnalegum sjónarmiðum hljóti að taka mið af því sem um er getið í umsögnum þeirra sem umsækjendur tilgreindu. Ekki er síður mikilvægt og hafði töluvert vægi við matið það sem fram kom í viðtölum við umsækjendur og lýsti viðmóti þeirra, faglegri þekkingu, viðhorfi til lögfræði- og dómstarfa og einlægni í afstöðu til viðfangsefna nú og áður.

Þegar metið er heildstætt námsárangur, fræðistörf, ráðvendni, hæfni og skilvirkni í störfum umsækjenda er það mat nefndarinnar að Arnaldur Hjartarson, þrátt fyrir tiltölulegan ungan aldur, standi öðrum umsækjendum framar þótt nokkrir þeirra eigi að baki langan og farsælan starfsferil við lögmennsku, dómstörf og/eða stjórnsýslustörf.

Samkvæmt umsóknargögnum og umsögnum er ljóst að Arnaldur hefur til að bera almenna og víðtæka lögfræðilega þekkingu. Hann á að baki glæsilegan námsferil, bæði við Háskóla Íslands og Yale háskóla. Þá hefur hann á skömmum tíma náð verulegum árangri í fræðimennsku, bæði með útgáfu fræðiritis um Evrópskan bankarétt og áhrif hans á íslenskan rétt árið 2017 og birtingu allmargra ritrýndra fræðigreina á íslensku og ensku, á hinum ýmsu fræðisviðum, auk ritstjórarstarfa. Að álitu dómnefndar bera ritsmíðar Arnaldar vott um hæfileika hans til að greina og leysa skýrlega úr lögfræðilegum álitaefnum á ólíkum réttarsviðum. Þá hefur hann sinnt fjölbreyttri og umfangsmikilli kennslu á mörgum námskeiðum á háskólastigi héraðs og erlendis, haft umsjón með slíkum námskeiðum, auk þess að halda

fyrirlestra. Hann hefur starfað um skamman tíma sem settur héraðsdómari. Þá hefur hann verið aðstoðarmaður við Hæstarétt Íslands og EFTA-dómstólinn við góðan orðstír auk starfa innan stjórnslunnar, þar með talin störf fyrir rannsóknarnefnd Alþingis, Fjármálaeftirlitið, Bankasýslu ríkisins og viðurlaganefnd Kauphallarinnar.

Að mati dómnefndar hefur Arnaldur sýnt sjálfstæði, hlutlægni, frumkvæði og skilvirkni í starfi og að hann eigi auðvelt með að skilja aðalatriði frá aukaatriðum. Hann hefur góða þekkingu á íslensku máli og á auðvelt með að tjá sig í ræðu og riti. Sem settur héraðsdómari og aðstoðarmaður dómara hefur hann að mati dómnefndar sýnt að hann hafi einkamála- og sakamálaréttarfar nægilega á valdi sínu auk þess að geta farið að fyrirmælum laga um samningu dóma og ritað þá á góðu máli. Sama á við um hæfileika hans til að geta stjórnað þinghöldum af röggsemi og sanngirni og afgreitt þau mál sem honum eru fengin bæði fljótt og af öryggi. Af meðmælum er ljóst að Arnaldur á auðvelt með mannleg samskipti hvort sem um er að ræða samstarfsmenn eða þá sem eiga erindi við hann. Þá fer gott orð af honum innan og utan starfs og mun reglusemi hans í engu vera ábótavant.

Með vísan til alls framangreinds telst Arnaldur að mati nefndarinnar hæfastur til að gegna embætti héraðsdómara.

Ályktarorð:

Sá umsækjandi sem metinn er hæfastur til þess að verða skipaður dómari við Héraðsdóm Reykjavíkur er Arnaldur Hjartarson.


Reykjavík 9. febrúar 2018



Jakob R. Möller




Guðrún Björk Bjarnadóttir



Ragnheiður Harðardóttir



Kristín Benediktsdóttir



Ragnhildur Helgadóttir